



六朝事迹編類

全

ル 5
2970



ル 6
2970

門 九 〇 五
2970
卷

仿宋紹興建
康府學本六
朝事迹編類
十四卷

光緒十三年春正月刊夏五月工完

寶章閣藏版

六朝事迹編類序

左奉議郎充江南東路安撫司幹辦公事張敦廉撰

新編
魏元郎
改
太平三年
一月

建康禹貢揚州之域斗牛分野在周為吳在春秋
末為越魯哀公二十二年自越之後一百四十年
為楚周顯王三十一年自楚之後一百一十年為秦楚負
乃周報王時也初楚威王因山立號置金陵邑
或云壇之陵故謂之金陵今石頭城是也及秦兼
諸侯分天下為三十六郡以金陵屬鄣郡故鄣為
郡是時望氣者云五百年後金陵有天子氣始皇
東巡乃鑿鍾阜斷長隴以通流改其地為秣陵縣
秦秣陵縣在今府城東南六里秣陵橋東北故城是也漢武帝元封初廢鄣
郡置丹陽郡而秣陵縣不改漢初置揚州治無定

評氏

所輿地志云先理歷陽後理壽春其後又徙曲阿
漢建安十六年孫權自京口徙治秣陵明年城石
頭改秣陵爲建業晉太康初廢建業復爲秣陵愍
帝諱業即改爲建康元帝即位以建康太守爲丹
陽尹宋齊而下咸都於此焉隋平陳廢丹陽郡乃
於石頭城置蔣州併秣陵建康同夏三縣入江寧
縣唐武德二年爲揚州東南道行臺置尚書省輔
公祐據江東七年平又改爲蔣州八年罷行臺稱
揚州大都督府領上元金陵句容丹陽溧水等縣
九年移揚州治江都改金陵爲白下縣屬潤州正
觀七年復爲揚州乾元元年改爲昇州上元二年
廢光啟三年復仍以上元句容溧水溧陽四縣隸

之置節度使天祐四年揚行密據其地十一年城
昇州十四年城成爲金陵府僞吳天祚元年號曰
齊國封李昇爲齊王以金陵爲西都以廣陵爲東
都後又改江寧府昇僭位國號唐三主在位共皇
三十九年朝開寶八年平之復爲昇州天禧二年復改江寧
府建炎三年改建康府此金陵郡邑升降廢置之
不常也余因覽圖經實錄疑所載六朝事迹尚有
脫誤乃取吳志晉書及齊宋而下史傳與夫當時
之碑記參訂而考之分門編類綴爲篇目凡十有
四卷雖猥陋無益於治道然展卷則三百餘年興
衰之迹若身履乎其間非徒得之傳聞而已同志
之士盍補其所未備者而傳之紹興歲次庚辰八

月新安張敦頤序

Table with multiple columns and rows, mostly blank or containing very faint text.

寶章閣藏版

六朝事迹編類目錄

左奉議郎充江南東路安撫司幹辦公事張敦頤養正撰

總敘門第一

六朝興廢

六朝宮殿

六朝郡國

形勢門第二

鍾阜

朱雀航

城闕門第三

越城

冶城

六朝建都

六朝郊社

六朝保守

石城

真武湖

金城

臺城

琅琊郡城

同夏縣城

臨沂縣城

蔣州城

石闕

白下門

樓臺門第四 亭雜附

落星臺

入漢樓

周處臺 亦名子隱堂

九日臺

梁昭明書臺

建康縣城

白下縣城

檀城

吳固城

朱雀門

丹陽門

烽火樓

景陽樓

衛玠臺

雨花臺

新亭

五馬亭

白下亭

賞心亭

儒學館

儀賢堂

袂襖堂

三閣

層城觀 亦名穿鐵樓

桂林苑

上林苑

芳樂苑

江河門第五

溝渠溪井附

東冶亭

翠微亭

三山亭

湯泉館

聽箏堂

蠶堂

馳道

齊雲觀

樂遊苑

芳林苑

大江	秦淮
直瀆	橫塘
青溪	潮溝
霹靂溝	北渠
蟹浦	覆杯池
落义池	石池
邀笛步	太子湖
迎擔湖	蘇峻湖
半陽湖	絳巖湖
固城湖	丹陽湖
溧陽源	麾扇渡
五馬渡	桃葉渡

寶章閣藏版

白鷺洲	長命洲
葛仙丹井	應潮井
景陽井 <small>亦名朋</small>	藏冰井
山岡門第六	天闕山
石碗山	覆舟山
鳳臺山	雞籠山
幕府山	攝山
方山	白山
東山	大壯觀山
湯山	祈澤山
臨沂山	馬鞍山
盧龍山	

大明會典卷之四百六十五

大城山

望祭山

絳巖山

竹里山

濁山

東廬山

大巫山

小巫山

平陵山

鐵冶山

白土岡

白楊路

千佛嶺

謝安墩

桃花塢

方山埭

雞鳴埭

射雉場

絕地

鑄劍坑

宅舍門第七

孔子巷

言偃里

寶章閣藏版

四學

諸葛恪宅

陸機宅

杜姥宅

劉子珪宅

沈約宅

朱异宅

孫場宅

江令宅

宋齊丘宅

烏衣巷

扶南樂署

乘黃署

銅螭署

錦署

紙官署

焚衣街

識記門第八

三斷石

石印

石室

潛鶴鼓

獨足臺

秦淮石誌

靈異門第九

新洲

郝氏化蛇

生人獲

牝狙觸網

神仙門第十

白都山

仙杏山

華陽洞

靜壇

寶公銅牌記

天水碧

八功德水

燕雀湖

木醴

感龍產鯉

茅君山

石城洞

仙人臺

春澗

寶章閣藏版

道士塢

鷲洞宮

青元觀

太平觀

太虛觀

寺院門第十一

吳建初寺

祈澤寺

寶乘院

蔣山太平興國禪寺

大愛敬寺

法光寺

華陽宮

洞元觀

玉晨觀

尋仙觀

鐵索寺

棲霞禪寺

長干寺

明慶寺

同泰寺

亦名草堂寺

今名鹿苑寺

大明寺亦名顯月殿

法寶寺

亦名臺城

普濟寺

舊名頭陀寺

聖湯延祥寺

清涼廣惠禪寺

淨妙寺

舊名齊安寺

半山寶寧禪寺

廟宇門第十二

蔣帝廟

晉元帝廟

晉謝將軍廟

菩提王廟

梁祈澤夫人廟

寶林寺

佛窟寺

景德寺

昇元寺

亦名瓦棺寺

能仁寺

吳大帝廟

晉卞忠正廟

晉陰山廟

楚斬尚廟

青溪夫人廟

寶章閣藏版

二判官廟

楚平王廟

潘真君廟

炳靈公廟

張僕射廟

武烈帝廟

墳陵門第十三

吳大帝陵

吳宣明太子墳

吳葛仙翁墓

晉明帝陵

晉康帝陵

茅君白鶴廟

荆將君廟

興德王廟

五龍堂

茅司徒廟

吳步夫人陵

吳甘寧墓

晉元帝陵

晉成帝陵

晉穆帝陵

晉長帝陵

晉簡文帝陵

晉孝武帝陵

晉安帝陵

晉恭帝陵

晉山簡墓

晉溫嶠夫人墓

晉郭璞墓

晉竺使君墓

宋武帝陵

宋文帝陵

宋文帝袁后陵

宋明宣沈太后陵

宋明帝陵

大司徒甄邯墓附

宋謝濤墓

宋謝濤夫人王氏墓

冥漠君墓附

齊明欽劉后陵

齊巴東獻武公墓

齊明僧紹墓

梁吳平忠侯墓

梁始興王墓

寶章閣藏版

梁安成王墓

梁臨川王墓

梁建安侯墓

陳高祖陵

陳文帝陵

左伯桃墓

雙女墓

南唐張懿公墓

南唐李順公墓

南唐高越墓

碑刻門第十四

吳後主封禪碑

紀功三段石碑

晉西平侯顏含大宗碑

晉西平侯顏府君碑

晉竺使君碑

晉竺使君頌

宋謝濤夫人王氏墓誌

齊巴東獻武公碑

梁始興王碑

梁安成王碑

梁永陽昭王墓誌銘

梁永陽敬太妃墓誌銘

梁臨川靖惠王神道石柱

梁吳平忠侯神道石柱

梁建安敏侯神道石柱

梁許真人壇碑陰刻華陽頌

陳江總棲霞寺碑
陳宮井欄題刻

隋平陳碑
唐明徵君碑

唐棲霞寺齊會記
唐律大師碑

唐蔣山開善寺記

唐玉清觀四等碑

唐沈傳師齋疏及題石

唐王法主碑
唐玄靖先生碑

唐遙傷孫尊師詩碑

唐韋君碑
唐下泊公記

唐白鶴廟記
唐正義女碑

偽吳銅鐘鑄文
偽吳釘石鑄文

南唐寶華宮碑
南唐請鐘記

南唐寶華宮功德付物記

南唐李順公碑
南唐張懿公碑

南唐蔣帝廟碑
南唐紫陽觀碑

南唐許真人井銘
南唐徐鉉題名

南唐宋齊丘鳳臺山詩

南唐夫人易氏墓誌額

南唐李後主祭悟空文德慶堂額

南唐開善寺井記
南唐義井欄刻

南唐棲霞寺僧用虛詩

景德棲霞寺殿記
景祐蔣廟碑

惠烈廟記
蔣廟篆祭文

道光泉記
八功德水記

蔣山寺莊田記
蕭帝寺記

子隱堂記
白雲菴記

寶禪師語錄序

潘元卓校官碑
漢碑附此

六朝事迹編類目錄終

光祿寺署正上元李濱古漁重校刊



六朝事迹編類卷之一

左奉議郎充江南東路安撫司幹辦人章張敦頤奏



總敘門

六朝興廢

吳

大帝 即位在魏太和七年壬寅歲

權字仲謀姓孫氏吳郡富泰人堅之次子兄策為吳侯將死以事授之破曹操於赤壁襲關羽於荊州黃武元年四月即位在位三十一年年七十葬蔣陵

年號

黃武 七 黃龍 三 嘉禾 六 赤烏 十三 大元

會稽王

即位在魏嘉平四年壬寅歲

權少子諱亮字子明母潘氏權薨即位至太平三年謀誅大將軍孫綝不克綝黜亮為會稽王永安三年孫休鳩殺之在位七年

年號

神鳳二 五鳳二 太平三

景帝

即位在魏甘露三年戊寅歲

權第六子諱休字子烈母王氏亮廢綝迎休即帝位綝典禁兵欲謀反休因臘受賀縛而殺之永安七年七月休薨在位七年

年號

寶章閣藏版

永安七

歸命侯

即位在魏咸熙元年甲申歲

權廢太子和之子諱皓字元宗母何氏休薨丞相僕陽興大將軍張布說太后朱氏迎皓即帝位皓既得志驕淫粗暴誅興布殺景后天紀四年晉遣王濬舟師至建業之石頭皓降之舉家西遷晉太康元年詔賜爵歸命侯越五年死在位十七年年四十三

年號

元興一 甘露一 寶鼎三 建衡三 鳳凰三

天冊一 天璽一 天紀五

右吳四主共六十二年

吳初都鄂後遷建業傳世四東據江南盡海置
交理龍編今廣州理番馬荆理南郡郢理今鄧理今鄂理今四
州有郡四十二以建平州歸西陵陸抗鎮守樂郡
江陵縣東南郡陵江巴丘孫岳州魯肅夏口鄂州武昌州
縣皖城州舒濡須塢州和牛渚圻州宣為重鎮後得沔
口邾城州黃廣陵自孫權破曹操於赤壁之後時
劉璋牧益州周瑜請於權曰乞與奮威俱進取
蜀而并張魯還與將軍據襄陽以躡操北方可
圖也

東晉 繼西晉

元帝

諱睿字景文姓司馬氏西晉宣帝懿之曾孫琅琊

賈章閣藏版

恭王觀之子母恭王妃夏侯氏妃通小吏牛金生
元帝故元石圖有牛在馬後初嗣父位永嘉初用
王導計鎮建業西都不守承制改元稱王愍帝崩
間至遂即位元年金德都建業帝性簡儉初拜貴
人有司請市雀釵帝以煩費不許所幸鄭夫人衣
無文綵永昌元年崩在位六年年四十七葬建平
陵廟號中宗

年號

建武 一大興 四 永昌 一

明帝

元帝長子諱紹字道畿母荀氏元帝貴人永昌元
年閏十一月即帝位元年大寧二年王敦舉兵內

向帝乘巴滇年駿馬微行觀敦營壘敦夢日環其城驚曰此必鮮卑奴來帝狀類外氏鬚黃故云秋七月敦水陸五萬至於南岸帝擊破之敦憤惋而死三年閏八月帝崩在位三年年三十七葬武平陵

年號

大寧三

成帝

明帝長子諱衍字世根母庾氏明帝崩帝即位年五歲中書令庾亮輔政元咸和三年蘇峻作亂遷帝於石頭陶侃攻殺峻賊黨立峻弟逸為帥滕舍敗逸奉御於温嶠舟已而造新宮遷之咸康八

寶章閣藏版

年六月崩在位十七年年二十二葬興平陵

年號

咸和九咸康八

康帝

成帝母弟諱岳字世同咸康八年六月即位元建元三年九月崩在位三年年二十三葬崇平陵癸卯

年號

建元三

穆帝

康帝子諱聃字彭祖母褚氏康帝崩帝即位年二歲褚后臨朝元升平五年崩在位十七年年十九葬永平陵

年號

永和十二升平五

哀帝

成帝長子諱丕字千齡所生母周氏穆帝崩帝即位

元年成雅好黃老辟穀餌藥遂中毒不識萬幾興

寧三年崩在位四年年二十五葬安平陵

年號

隆和一興寧三

廢帝

哀帝母弟諱奕字延齡哀帝崩無嗣皇太后迎帝

即位元年桓温欲立威權憚帝守道誣以牀第廢

為東海王又為海西公安於屈辱太元十一年崩

寶章閣藏版

在位六年年四十五葬安平陵

年號

太和六

簡文帝

元帝少子諱昱字道萬所生母鄭氏廢帝廢皇太

后詔統皇極咸安元年十一月即位元年辛未二年崩

年五十三葬高平陵

年號

咸安二

孝武帝

簡文帝第三子諱曜字昌明所生母李氏咸安二

年即位元年癸酉帝溺於酒色長星見心甚惡之於華

林園舉酒曰長星勸汝一杯酒自古何嘗有萬歲天子邪初簡文帝見讖云晉祚盡昌明及李太后有身夢神人謂曰汝生男宜字昌明及產東方始明因以為名簡文後悟乃流涕時帝戲所寵張貴人以年幾三十當廢貴人潛怒向夕帝醉遂暴崩在位二十四年年三十五

年號

寧康 三 太元 二十一

安帝

孝武帝長子諱德宗字德宗所生母陳氏武帝淑媛太元二十一年即位元元興三年桓靈寶逼帝西上後復逼東下督護馮遷斬靈寶帝反正於

寶章閣藏版

江陵義熙十四年十二月崩在位二十二年年三十七葬休平陵初讖云昌明之後有二帝劉裕將為禪代密使王韶之縊帝而立恭帝以應二帝云

年號

隆安 五 元興 三 義熙 十四

恭帝

安帝母弟諱德文安帝崩劉裕矯詔立帝元元興二年六月禪位於裕裕以帝為零陵王居秣陵二年裕使人踰垣弑帝在位二年年三十六謚恭帝葬沖平陵

年號

元熙 三

右東晉十一帝都建康共一百六年

劉聰既殺愍帝元帝即位遷都建康號曰東晉
傳世凡十有一爰自永嘉南渡境宇殊狹禹貢

九州之地僅有其二元帝初命祖逖鎮雍丘今

京今死北境漸蹙於是荆豫自維北蔡穎及徐州之半徐州陷劉曜石勒

以合肥今廬州淮陰今楚壽陽復石季龍死後泗口

泗州角城在泗為重鎮成帝時鄧守將退屯襄

陽今穀縣穆帝時平蜀漢李復梁益之地又遣

軍西伐入關至灊上計符再北伐一至洛陽討

益青徐兗荆河內之地其後青兗陷於慕容德

荆河司陷於姚興以彭城為北境藩扞後梁益

又陷於譙縱義熙每因劉石苻姚衰亂之際則

進兵屯戍在於漢中襄陽彭城然大抵上明今

鎮守義熙以後又復青兗司荆河梁益之地而

政移於劉氏之宋矣

宋 繼東晉

宋武帝

高祖武帝劉裕字德輿小字寄奴彭城人楚元王

交二十二世孫父翹郡功曹母穆氏元熙二年十

二月晉恭帝禪位帝表讓至再永初元年夏六月
丁卯即位改元元庚申都建康傳世凡八帝以儉德
先天下碎虎魄枕施直脚牀卻入筒布用葛燈籠
三年五月己亥崩於西殿在位三年年六十七葬
蔣山初寧陵廟號高祖

年號

永初三

少帝

武帝長子諱義符小字車兵母張夫人永初三年
夏五月癸亥以皇太子即帝位元癸亥景平二年夏
五月己酉皇太后令暴其過惡廢為營陽王六月
癸丑徐羨之弒帝於金昌亭在位二年年十九

寶章閣藏版

年號

景平二

文帝

武帝第三子諱義隆小字車兒母胡婕妤少帝廢
徐羨之等迎立元嘉元年秋八月丁酉即帝位元
甲三十年二月甲子為元凶太子劭所弒在位三
十年年四十七葬長寧陵廟號太祖

年號

元嘉三十

孝武帝

文帝第三子諱駿字休龍母路淑媛殺元凶劭自
立既弒元嘉三十年四月辛酉即皇帝位於新亭

帝少機穎讀書七行俱下才藻甚美大明八年夏五月庚申崩在位十一年年三十五葬秣陵巖山景寧陵廟號世祖

年號

孝建 三大明 八

前廢帝

孝武帝長子諱子業字法師大明八年閏五月庚午以皇太子即位元年帝自以昔在東宮時不為孝武所禮及即位將掘景寧陵太史言於帝不利乃縱糞於陵肆罵孝武為魑壯切加奴又發殷貴妃墓十一月帝左右壽寂之等謀廢帝懷刀入宮弒之乃崩於華光殿在位一年年十七葬丹陽秣陵

寶章閣藏版

年號

景和 一 正月乙未改元永光

明帝

文帝第十一子諱彧字休景母沈婕妤好泰始元年冬十二月丙寅即帝位元年泰豫元年夏四月己亥崩於景福殿在位八年年三十四泰豫元年五月戊寅葬臨沂縣幕府山高寧陵廟號太宗

年號

泰始 七 泰豫 一

後廢帝

明帝長子名昱字德融母陳氏李道兒妾人呼為李氏子明帝崩以皇太子即帝位元年孝武二十

八子明帝殺其十六餘皆帝殺之元徽五年七月
七夕楊玉夫等入羶幄內弒帝於仁壽殿在位五
年年十五葬秣陵

年號

元徽 五

順帝

明帝第三子諱準字仲謨蕭道成奉太后令迎立
昇明元年七月壬辰即帝位元年改元徽五年為
昇明元年三年四月壬辰禪位於齊齊封為汝陰
王建元元年五月己未弒之在位三年年十三葬
於遂寧陵

年號

寶章閣藏版

昇明 三

右劉宋八帝共六十年

宋武帝北平廣固慕容超廣固今青州西定梁益譙縱又克

長安姚泓盡得河南之地長安尋為赫連勃勃所

陷至廢帝景和中武牢以西復陷後魏今大較

以孝武大明為正凡二十有二州揚理建業建康

南徐理京口丹徒徐理彭城今徐州南兗理

廣陵今揚州兗理瑕丘今兗州南豫理歷陽今和州豫

理汝南今汝州江理潯陽今江州青理臨淄初理

復理廣固後又移冀理歷城今濟州司理義陽今信

陽今青州荆理南郡今江州郢理江夏今鄂州相理臨湘今潭

州雍理襄陽今襄州梁理南鄭今興元秦亦理南

鄭益理成都今府寧理建寧今州廣理南海今州廣
交理龍編今南府越理臨漳今廉州郡凡二百三十
八縣千七百七十九初文帝元嘉中遣將北伐水
軍入河克魏碣磔滑臺今滑州武牢今河南洛陽今西
京西城其後又失又分軍北伐西軍克弘農關
陝二城東軍攻滑臺不克而平碣磔守之尋皆
敗退於是後魏太武總師經彭城臨江屯於瓜
步揚州退攻盱眙今楚州不拔而還明帝時後魏又
南侵失淮北青冀徐兗四州又豫州淮西境悉
陷沒則長淮為北境僑徐兗於淮南淮陰立兗州
楚州鍾離今徐立青冀二州寄理贛榆今海州
其後十餘年而滅亡然其初疆盛也南鄭襄陽

寶章閣藏版

垂鉢今在蔡州形彭城歷城東陽今青州皆為
宋氏藩扞南齊繼宋

高帝

蕭氏諱道成字紹伯蘭陵人漢蕭何二十一世孫
建元元年夏四月甲午受宋禪即帝位於南郊阮
祀都建康傳世凡七帝性簡儉後宮器物檻欄以
銅為飾皆改用鐵內殿施黃紗帳宮人著紫皮履
華蓋除金華瓜用鐵回釘每日使我臨天下十年
當使黃金與土同價四年三月壬戌崩於臨光殿
在位四年年五十六葬於武進泰安陵廟號太祖
年號

建元四

武帝

高帝長子諱頤字宣遠建元四年三月壬戌以皇太子即帝位元年明年正月辛亥改元永明帝性剛毅有斷政總大體以富國為先頗喜遊宴雕綺之事言常恨之未能頓遣永明十一年七月戊寅崩於延昌殿在位十一年年五十四葬景安陵廟號世祖

年號

永明十一

廢帝鬱林王

武帝孫文惠太子長子諱昭業字元尚小字法身

寶章閣藏版

永明十一年戊寅武帝崩以皇太孫即帝位元年帝淫亂賞賜左右動至百數十萬每見錢曰我昔思汝一箇不得今日得用汝矣西昌侯鸞屢諫不聽帝欲誅鸞鸞使蕭湛領兵入宮弒之在位一年年二十二

年號

隆昌一

廢帝海陵王

文惠太子第二子諱昭文字季尚鬱林王廢延興元年秋七月丁酉即皇帝位時宣城王鸞輔政帝起居皆諮而後行十月辛亥皇太后使宣城王入纂帝統令廢帝為海陵王建武元年冬十一月鸞

稱王有疾遣御師占視乃殞之在位四月年十五

年號 延興 一 是年一歲三號

明帝

始安貞王子諱鸞字景棲海陵王廢太后以帝纂
統建武元年十月辛亥即帝位元年乙亥永泰元年七
月己酉帝崩於正福殿在位五年年四十七

年號

建武 四 永泰 一

廢帝東昏侯

明帝第二子諱寶卷字智藏永泰元年七月己酉
以皇太子即帝位元年己卯帝惑於潘妃為神仙等殿

寶章閣藏版

極奢麗又鑿金為蓮花以帖地令潘妃行其上曰
此步步生蓮花也永元三年秋七月蕭衍至南豫
州帝閉宮門自守十二月王珍國張稷率兵入殿
弒帝斬首送蕭衍在位三年年十九

年號

永元 三

和帝

明帝第八子諱寶融字智昭中興元年三月乙巳
即皇帝位辛巳二年遜位於梁梁奉帝為巴陵王
宮於姑熟四月戊辰殂追尊為和帝在位二年
年十五葬恭安陵

年號

大明書卷之四

中興二

右齊七帝共二十四年

南齊淮北之地所有絕少青州理胸山今海縣冀

理渦口今泗州臨淮縣南豫理壽州今壽州北充理淮陰

今楚州北徐理鍾離今豫州又增置巴州理巴東今夔州

其餘州郡悉因前代州凡二十有二郡三百

九十五縣千四百七十四其後頻為後魏所侵

至東昏永元初沔北諸郡相繼敗沒今鄧州又遣

軍北伐敗於馬圈屯盆城今鄧州界又失壽春後三

年齊亡然其始全盛也南鄭今興元府樊城今襄陽臨漢縣

襄陽今襄陽義陽今信陽壽春今壽州淮陰今楚州角城

今泗州臨淮縣連口今泗州連水縣北胸山今海州悉為重鎮

寶章閣藏版

梁 繼齊

武帝

蕭氏諱衍字叔達蘭陵人父為丹陽尹母韓氏中

興二年三月丙午禪位於梁天監元年夏四月丙

寅帝以梁王即帝位元年壬申都建康傳世凡四帝生

而有異光狀貌殊特有文在手曰武帝初為兒時

能蹈空而行及長博學有文武才幹性溺於釋教

郊廟牲牲皆代以麩宗廟薦羞始用菽粟幸同泰

寺鑄十萬斤銅像幸阿育王寺設無礙法喜會設

四部無遮會講金字三慧經三度捨身羣臣以錢

億萬贖帝請臨宸極三請乃許太清三年五月丙

辰侯景舉兵攻陷宮城帝憂懼寢疾崩於淨居殿

在位四十八年年八十六葬於修陵廟號高祖

年號

天監十八 普通七 大通二 中大通六 大

同十一 中大同一 太清三

簡文帝

武帝第三子諱綱字世纘母貴妃穆氏太清三年

五月辛巳以皇太子即帝位元年庚申大寶元年十月

乙未侯景逼帝幸西州使彭雋等進觴與帝極飲

帝醉寢雋以土囊壓之帝崩在位二年四十九

葬莊陵廟號太宗

年號

大寶二

寶章閣藏版

元帝

武帝第七子諱繹字世誠母阮采女承聖元年三

月王僧辯等平侯景傳首江陵十一月丙午即帝

位於江陵元年壬申先是魏使宇文仁恕來聘帝接遇

有闕魏相安定公憾之三年十一月魏軍至柵下

大攻帝出枇杷門親臨督戰兵敗見執十二月魏

軍殺之帝在位三年四十七明年四月梁王方

智承制追尊為元帝廟號世祖葬潁寧陵

年號

承聖三

敬帝

元帝第九子諱方智字惠相母夏貴妃承聖二年

七月辛丑王僧辯納貞陽侯蕭淵明自采石渡江
入建業丙午即偽位司空陳霸先殺王僧辯黜蕭
淵明而奉帝紹泰元年九月丙午即帝位元年太
平二年十月遜位於陳陳奉帝為江陰王薨於外
邸在位三年年十六謚敬皇帝

年號

紹泰 一 太平 二

右梁四主共五十六年

梁氏州郡多沿舊制天監中有州二十有三郡
三百五十縣千二十有二其後更有析置大同
中州一百七郡縣亦稱此初武帝受禪數載即
失漢川及淮西之地梁州刺史夏侯道降魏魏

寶章閣藏版

其後諸將頻年與魏軍交戰於淮南淮北互有
勝負雖得縣孤城俄而又失又克壽春渦陽中
大通初大舉北伐淮北城鎮相次克壽春渦陽中
陽斬為梁有其後諸將又復漢中自天監一年
四年克復至侯景東魏以河南地降逆亂相尋有
名無實及景平後江北之地悉降高齊漢川蜀
沒於西魏太清初侯景以十三州來降旋為東
康陷之承聖初齊將辛術南伐盡得河南江北
之地得傳國璽反於齊三年西魏將達奚武陷
漢川尉遲迴陷益州大抵雍州今襄
其漢川尉遲迴九年而復大抵雍州今襄
駕州秦陽縣今夏口今鄂白苟堆今蔡州破石城
州今類合淝鍾離淮陰朐山為重鎮
陳繼梁

武帝

陳氏諱霸先字興國吳興人帝所出甚微初仕鄉為里司又為油庫吏後仕梁為陳王太平二年十月辛未梁敬帝禪位永定元年冬十月乙亥即帝位於南郊柴燎告天元五年帝雄武多英略性甚仁愛初平侯景及立敬帝子女玉帛皆班將士三年六月丙午崩於璿璣殿在位三年年五十七葬萬安陵廟號高祖

年號

永定三

文帝

武帝兄始興昭烈王之長子諱蒨字子華永定三

年六月丙午即皇帝位

元五年庚辰

帝少沈敏有識量美容儀留意經史武帝甚愛之常稱吾家英秀初起

自布衣知百姓疾苦每雞人伺漏傳籤於殿中者令投籤於階石上鎗然有聲云吾雖得眠亦令驚覺天康元年夏四月癸酉崩於有覺殿在位七年年四十葬永寧陵廟號世祖

年號

天嘉六 天康一

廢帝

文帝長子諱伯宗字奉業母沈氏天康元年夏四月癸酉以皇太子即帝位元五年丁亥帝性仁弱刑政皆歸冢宰故光大二年冬十一月甲寅宣太后令廢

為臨海王太建二年四月乙卯薨在位二年年十九

年號

光大二

宣帝

始興昭烈王第二子諱頊字紹世小字師利太后既黜廢帝以帝入繼皇統元年太建元年春正月甲午即帝位十二年九月癸未夜天東南有聲如風水相激十四年正月甲寅崩於宣福殿在位十四年年五十三葬顯寧陵謚孝宣廟號高宗

年號

太建十四

寶章閣藏版

後主

宣帝長子諱叔寶字元秀小字黃奴母柳氏太建十四年正月丁巳以皇太子即帝位元年帝荒於酒色不恤政事常使張麗華孔貴嬪等八人夾坐江總孔範等十人預宴號為狎客是年秋自建業至荊州江水色赤如血天外有如風水相激之聲帝設會捨身大赦天下禎明三年正月隋將賀若弼韓擒虎進軍宮城帝逃於井中以繩引之而出至京師見宥隋仁壽四年十一月壬子終於洛陽在位七年年五十二贈大將軍封長城縣公謚煬葬河南洛陽之芒山

年號

大明書通編卷之二

至德 四 禎明 三

右陳五主共三十三年

陳氏都建康傳世凡五土宇彌蹙於梁西不得

梁漢北失淮淝以長江為境文帝初湘州之地為周軍所陷後克

平之今鼎温潭衡有州四十有二地轉狹而郡

百有九縣四百三十有八宣帝太建中頻年北

伐諸將累捷盡復淮南之地齊將於壽春更經

略淮北大破齊軍於呂梁及旋師屬高齊亡又

總軍北伐至呂梁周軍來拒又大破之自太建

伐七年破齊軍九年又破周將梁士旋為周軍

所敗悉虜其眾徹退師全軍沒於清口自是

江北之地盡入於周復以長江為界十二年周將以淮西

地來降又遣將及隋軍來伐遣將守狼尾灘今

克新野尋失之陵今江陵荆門安蜀城今峽州宜

陵今岳巴下並風靡退散信州道大總管揚素

之守將相繼而破信州隋軍自采石隋將韓擒

即今雲安郡歸州是也京口賀若弼渡江而平之

六朝建都

南朝建都之地不過建康京口豫章江陵武昌數

處其強弱利害前世論之詳矣吳孫策以會稽為

根本大帝嗣立稍遷京口其後又嘗住公安又嘗

都武昌蓋往來其間因時制宜不得不爾及江南

已定遂還建業保有荆揚而與魏蜀抗衡其宏規

遠略晉宋而下不能易也故孫皓捨建業而之武

昌吳因以衰梁元帝捨建業而守江陵梁遂以凶
李嗣主捨建業而遷洪府南唐遂不能以立王導
斷然折會稽豫章之論而以建業爲根本自晉而
下三百年之基業導之力也故孫皓議遷都武昌
陸凱上疏曰武昌土地危險非王都安國養民之
處船泊則沈漂陵居則峻危童謠云寧飲建業水
不食武昌魚寧還建業死不止武昌居夫民謠本
於天心乃以安居而比死足明天意而知民所苦
也蘇峻亂宗廟宮室並爲煨燼温嶠議遷豫章三
吳之豪請都會稽二論紛紜未有所適王導曰古
之金陵聖皇所居孫仲謀劉元德皆言王者之宅
古之帝王不以豐儉移都苟冠衛文大帛之冠何
往不可若不績其麻樂土爲墟矣由是嶠等之議
不行齊蕭穎胄議遷夏口柳忱以巴峽未賓不宜
輕捨根本搖動人心帝不從俄而巴東之兵至峽
口遷都之議遂息梁元帝臨荆峽二十年情所安
戀不欲歸建業故府臣僚皆楚人並欲都江陵周
洪正諫曰士大夫言聖王所都本無定處若黔首
未見入建業便謂猶列國諸王今日赴百姓心不
可不歸建業南唐嗣主用唐鎬計遷豫章而王都
官舍軍壘十不容其一二自公卿下至軍士莫不
思歸自此論之六朝以來都邑之議莫不以建康
爲根本也

六朝宮殿

吳孫權遷都建業徙武昌宮室材瓦繕治太初宮
吳實錄有曰臺城蓋宮省之所寓也有曰東府蓋
宰相之所居也有曰西州蓋諸王之所宅也有曰
倉城蓋儲蓄之所在也宮室記云皆不出都城之
內輿地志云都城周二十里一十九步本吳宮舊
址蓋謂是也晉琅琊王渡江鎮建康因吳舊都修
而居之即太初宮為府舍及即帝位稱為建業宮
更明帝不改至成帝繕苑城作新宮窮極技巧侈
靡殆甚宋齊而下因之稱為建康宮以此攷之六
代宮室門牆雖時有改築然皆因吳舊址晉新宮
在吳太初宮之東吳昭明宮孫皓所起在晉建康宮城
西南惟元帝建業宮乃仍吳太初宮之舊今行宮

寶章閣藏版

之東北乃其地也

太初宮

建康實錄吳孫權黃武中徙武昌棟瓦而起即長
沙王孫策故府在晉建康宮城西南即臺城之西
南也

建康宮

建康實錄晉成帝咸和七年新宮成名曰建康宮
亦名顯陽宮注云即今之所謂臺城也輿地志云
在法寶寺之南今在府北五里

新宮

晉謝安作新宮造太極殿欠一梁忽有梅木流至
石頭城下因取為梁殿成乃畫梅花於其上以表

大明書亦名顯陽宮

嘉瑞楊修之有詩云玉案金鑪對玉牀歸然應是魯靈光螭頭直上雙魚尾不讓西京舊柏梁

未央宮長樂宮建章宮長楊宮

南史宋前廢帝景和元年以東府城爲未央宮以石頭城爲長樂宮以北邸爲建章宮南第爲長楊宮東府城在古青溪橋東

靈和殿

齊武帝時殿下柳木蜀郡所獻條如絲縷帝曰此柳風流可愛似張緒少年時緒字思曼在臺城內楊修之有詩曰得地恩深雨露偏丹墀左右玉階前君王屬意君知否好似風流一少年

金華宮

寶章閣藏版

輿地志云梁大同中所築昭明太子蔡妃所居在青溪東

披香殿

楊修之金陵詩注云在臺城後宮庾子山詩云宜春苑中春已歸披香殿裏作春衣蓋指此也

六朝郊社

終吳之世未暇禮文宗廟社稷不見於史晉初置宗廟在吳都城宣陽門外輿地志云在縣東二里圖經云大社大稷壇在縣一里宋齊而下時有改易晉元帝二年作南郊在宮城南十五里郭璞卜立之輿地志云在今縣城東南十八里圖經云古南郊壇在縣南十八里成帝作北郊壇於覆舟山

之陽制度一如南郊實錄云北郊壇在縣東八里
潮溝後東近青溪又按通典宋孝武帝大明三年
移北郊於鍾山北原道西今鍾山定林寺山顛有
平基二所闊數十丈乃其地也南唐郊壇在長樂
鄉去縣十二里遺址尚存今為藏冰之所

六朝郡國

三國鼎立之後土宇分裂得失不常魏武定西朔
所置郡國十二新興樂平西平新平略陽帶方而
省者七中上郡朔方五原雲文帝置七朝歌陽平弋
義陽安豐明帝及少帝增二平上庸得漢郡者五十四焉
蜀先主於漢建安之間初置郡九江東巴西梓潼
朱提宕渠涪陵後主增二雲南得漢郡者十有一焉吳大

寶章閣藏版

帝初置郡五

臨賀珠崖武

少帝景帝各四

臨川臨

天門建安建

歸命侯亦置十有二郡

始安始興邵

陵九德吳興

東陽安成新昌武

得漢郡者十有八焉晉武帝太

平桂林榮陽宜都

康元年既平孫氏凡增置郡國二十有三

榮陽頓

臨淮東莞襄城汝陰長廣廣寧昌黎新野隨郡陰

南省司隸置司州別立梁秦寧平四州仍吳之廣

平義陽毗陵宣城南康晉安寧浦始平略陽樂平

州凡十九

并豫冀兗荆徐揚青幽平

郡國一百七

十三

仍吳所置二十一仍漢舊九十三置十一仍魏

惠帝

不君中州盡棄永嘉南渡建業

今建開基九州之

地有二焉自茲以降國分南北更王迭霸疆理不

常宋至孝武大明中州凡二十有二郡二百三十

有八縣千一百七十有九南齊繼統又置巴東一

六朝郡國編卷之二

郡餘並因之爲州二十有三郡三百九十五縣千四百七十有四頻與元魏侵吞互相得失蕭梁之時多沿舊制天監中有州二十有三郡三百五十縣千二十有二其後更有析置大同中州百有七郡縣亦稱於此陳氏較之土宇彌蹙西不得蜀漢北失淮淝而以長江爲境有州四十有二是其地愈狹立名益多爲郡百有九縣四百三十有八此皆疆宇之列乎南者也

六朝保守

晉蔡謨曰時有否泰道有屈伸暴逆之寇雖終滅爲今之計莫若養威以俟時王羲之曰以區區江方其強盛皆當詘而避之要終歸於大濟而已

左營綜如此天下寒心久矣中興之業政以道勝寬和爲本力爭武功非所當作二人者能言之而不得行之行之而足以安江南者孫權一人耳陸瑁嘗勸權曰九域盤互之時率須深根固本愛力惜費陸遜嘗勸權曰施德緩刑寬賦息調權報之曰發調者蓋謂天下未定事以衆濟若徒守江東修崇寬政兵自足用何以多爲顧坐自守可陋耳以此知權之志未嘗不在於天下然以傳致之亦未嘗求逞於中國曹公來侵則破之拒之而已不艦立塢築隄遏湖作徐塘明烽燧始終所以備魏者至矣及移牋於曹公曰足下不死孤不得安則權固未嘗得志也嘉禾中因蜀寇魏一攻淮南聞

明帝東行則遽斂避諸將之攻樊城司馬懿救之亦引軍亟退自後世觀之謂之怯可也而權不以爲恥豈非天下之勢既未有可投之隙與其力爭而取敗不若退守而待時也耶史稱權繼父兄之業有臣以爲腹心股肱爪牙兵不妄動故戰少敗而江南安此權之所以爲智也及嗣主立諸葛恪爲政首侵邊以怒敵東興之戰幸捷顧不能持勝復違衆大舉一敗塗地恪既喪軀而孫氏之業因以衰焉則權之兵不妄動利害果何如也其後孫皓用諸將計數侵盜晉鄙陸抗曰苟無其時雖復大聖亦宜養威自保不可輕動今不務力農富國審官任能明黜陟慎刑罰訓諸司以德拊百姓以

仁而聽諸將徇名窮兵黷武動費萬計士卒凋弊寇不爲衰而我已大病矣夫爭帝王之資而昧千百之利此人臣之姦謀非國家之良策也抗之言兼有陸瑁陸遜蔡謨王羲之之論而皓不之用此其所以亾也東晉自庾亮經營征伐皆不能有成謝安父子乘苻堅傾敗之餘圖之如恐不及也至於渡河入鄴訖無尺寸之得宋文自以富強詰戎兵於元魏檀道濟再行無功諸將皆相繼以敗而胡馬遂至瓜步梁武遭魏氏之亂陳慶之以數千兵入洛而高高之襲幾至殲盡及貪河南之地納叛將棄睦鄰而身國顛覆陳宣帝關土宇於北齊旋失淮泗於後周雖以桓溫劉裕非常之才度越

歷代諸將而溫伐苻健慕容暉皆幾成而敗裕平南燕滅姚秦亦既得而失則六朝用兵攻伐之策可見矣

六朝事迹編類卷之一終

光祿寺署正上元李濱古漁重校刊

寶章閣藏

六朝事迹編類卷之二

形勢門

左奉議郎充江南東路安撫司幹辦軍事張敦頤撰



鍾阜 建康之東餘見寺苑門蔣山寺

圖經云在縣東北周回六十里高一百六十八丈東連青龍山西臨青溪南自鍾浦下入秦淮北接雒亭山漢末有秣陵尉蔣子文逐盜死於鍾山吳大帝為立廟封曰蔣侯吳錄云大帝祖諱鍾因改名曰蔣山按丹陽記云京師南北竝連山嶺而蔣山峇嶷巖異其形象龍實作揚都之鎮諸葛亮嘗至京觀秣陵山阜云鍾山龍盤蓋謂此也又按輿地志云鍾山本少林木宋時使諸州刺史罷職還

者栽松三千株下至郡守各有差焉山之最高峯地有五願樹樹柞木也宋元嘉中百姓祈禱率有應驗寰宇記云自梁以前立寺七十所今存者六又按南史宋散騎常侍劉劭經始鍾嶺之南以爲栖息聚石蓄水朝士雅素者多從之遊又雷次宗元嘉中開館雞籠山文帝爲築室於鍾山西巖下謂之招隱館至齊周顒亦於鍾山西立隱舍休沐則歸後顒出爲海鹽令孔稚圭作北山移文以譏之舊經云晉謝尚齊朱應吳苞孔嗣之梁阮孝緒劉孝標並隱於此唐大厯中處士韋渠牟亦隱此山號遺名子顏真卿題其所隱之室曰遺名先生三教會宗堂又陳後主與張機遊是山嘗以松枝

代麈尾故梅摯詩有千松麈尾之句又按文選沈休文鍾山應教詩云靈山紀地德險峭資岳靈又云勢隨九疑高氣與三山壯蓋美之也荆公絕句云偶向松關覓舊題野人休誦北山移丈夫出處非無意猿鶴從來自不知又一絕云澗水無聲遶竹流竹間花影弄春柔茅檐相對坐終日一鳥不鳴山更幽又一絕云終日看山不厭山買山終待老山間山花落盡山長在山水空流山自閒今屬惟政鄉去縣十里

石城建康之西

吳孫權沿淮立柵又於江岸必爭之地築城名曰石頭常以腹心大臣鎮守之今石城故基乃揚行

密稍遷近南夾淮帶江以盡地利其形勢與長干山連接輿地志云環七里一百步在縣西五里去臺城九里南抵秦淮口今清涼寺之西是也諸葛亮論金陵地形云鍾阜龍盤石頭虎踞真帝王之宅正謂此也及晉伐吳王濬以舟師沿江而下自三山抵石頭劉夢得金陵懷古曰王濬樓船下益州金陵王氣黯然收千尋鐵鎖沈江底一片降幡出石頭荒苑至今生茂草古城依舊枕寒流而今四海歸皇化兩岸蕭蕭蘆荻秋宋順帝昇明元年以司徒袁粲出鎮於此由晉以來常爲戰守之地左太冲吳都賦云戎車盈於石頭蓋謂此也宋大明中以其地爲離宮及齊武帝爲世子即以爲世

子宮城之東有巨石俗呼爲塘岡乃王敦害周伯仁戴若思之處按建康實錄晉元帝永昌元年敦收周顛戴淵殺於石頭城東塘頽石上百姓冤之至今紀其處至陳宣帝大建二年其城復加修築以貯軍食後主禎明元年徐孝克爲都官尚書性清素常以石頭津稅給之唐武后光宅中徐敬業舉兵使其徒崔洪渡江修石頭以拒之敬業平分軍三百人守之尋置爲鎮仍徙縣倉以實之故唐書地理志云昇州有石頭鎮中宗神龍二年廢鎮即移倉於冶城德宗時浙江觀察使韓滉迺於石頭築五城今遺址尚在江南野史汪台符上書陳民間九患爲宋齊丘所沮後齊丘使人夜縛其口

沈石城下先主聞而歎之江淹侍始安王石頭城
詩曰開局遶天邑襟帶抱尊華何遜登石頭詩曰
天暮遠山青潮去邊沙出皆謂此也

朱雀航

晉咸康二年作朱雀門新立朱雀浮航在縣城東
南四里對朱雀門南渡淮水亦名朱雀橋輿地志
云吳南津大航橋也王敦作亂温嶠燒絕至是始
用杜預河橋法作之地志云朱雀門孔對吳都城
宣陽門相去六里為御道夾御溝植柳自朱雀門
南渡出國門羅鄴金陵野步望宮柳詩云色承陽
氣暖陰帶御溝清里俗相傳今桐樹灣相對即其
地也

真武湖

按建康實錄吳後主皓寶鼎元年開城北渠引後
湖水流入新宮巡遶殿堂窮極伎巧至晉元帝始
創為北湖故實錄云元帝大興三年創北湖築長
隄以遏北山之水東至覆舟山西至宣武城又按
南史宋文帝元嘉二十三年築北隄立真武湖於
樂遊苑之北湖中亭臺四所後黑龍見於湖側春
秋使道士祠之至孝武大明五年常閱武於湖西
七年又於此湖大閱水軍按輿地志云齊武帝亦
常理水軍於此號曰昆明池故沈約登覆舟山詩
南瞻儲胥館北眺昆明池蓋謂此也又於湖側作
大寶通水入華林園天淵池引殿內諸溝經太極

殿由東西掖門下注城南塹故臺中諸溝水常滌
流迴轉不舍晝夜又按南史元嘉二十三年造眞
武湖文帝欲於湖中立方丈蓬萊瀛洲三神山尚
書右僕射何尚之固諫乃止今圖經云湖中有蓬
萊方丈瀛洲三神山不知何所據也本朝天禧四
年改爲放生池其後廢湖爲田中開十字河立四
斗門以洩湖水跨河爲橋以通往來今城北十三
里有古池俗呼爲後湖見作大軍教場處是也

六朝事迹編類卷之二終

光祿寺署正上元李濱古漁重校刊

六朝事迹編類卷之三

左奉議郎充江南東路安撫司幹辦公事張敦頤養正撰

城關門

越城

春秋時越既滅吳盡有江南之地於是築城江上
以鎮江險圖經云周回二里八十步在秣陵縣長
千里後崔慧景寇建業蕭懿入援自采石濟岸頓
越城舉火臺上鼓噪相慶茲建業之南也今南門
外有越臺與天禧寺相對見作軍寨處是也

金城

建康實錄金城吳築晉桓温咸康七年出鎮江乘
之金城後温北伐經金城見爲琅琊時所種柳皆

十圍因歎曰木猶如此人何以堪因攀枝執條泣然流涕揚修之金城詩亦引此爲據又按古圖經晉中宗於金城立琅琊郡温嘗爲琅琊內史至咸康七年出鎮金城前云琅琊蓋指此也今去府城三十五里

冶城

今天慶觀即其地也本吳冶鑄之所因以爲名寰宇記晉元帝大興初以王導疾久方士戴洋云君本命在申而申地有冶金火相燦不利遂移冶城於石頭城東以其地爲園徐廣晉記云成帝適司徒府觀冶城園即此也

臺城

寶章閣藏板

建康實錄晉成帝咸和七年新宮成名建康宮注即今之所謂臺城也在縣東北五里周回八里又按輿地志云同泰寺南與臺城隔路今法寶寺及圓寂寺即古同泰寺之基故法寶寺亦名臺城院以此考之法寶圓寂二寺之南蓋古臺城地也今之基址尚在元和初陸喬家於丹陽一夕有叩門者曰我沈約也呼左右召青箱來俄一兒至約指謂曰此吾子也近從吾過臺城命爲感舊詩因諷曰六代舊山川興亡幾百年繁華今寂寞朝市昔喧闐夜月瑠璃水春風卯色天傷時與懷古垂淚國門前楊修之有詩云六朝遺跡好山川宮闕灰寒草樹煙江令白頭歸故國多情合賦黍離篇

琅琊郡城

寰宇記云晉元帝過江為琅琊國人立也其城在江乘縣界王隱晉書及山謙之南徐州記云江乘南岸蒲州岸有琅琊城其地立琅琊內史以治之圖經云在縣東北六十三里今句容縣有琅琊鄉亦其地也又按寰宇記齊武帝永明六年移琅琊郡於白下在縣北十八里圖經直以蒲州津城為白下非也又按南史武帝永明六年於琅琊城講武習水步軍九年又幸其城講武觀者傾都梁徐欽業登琅琊城詩曰表裏窮形勝襟帶盡巖巒登陴起遐望回首見長安

建康縣城

寶章閣藏版

吳冶城東今天慶觀東是其地寰宇記云在縣西一里晉太康三年分淮水北為建康縣上元之地居多

同夏縣城

南史梁武帝以宋孝武大明元年生於秣陵縣同夏里三橋宅及即位大同元年分同夏縣寰宇記云在城東十五里其地在長樂鄉

白下縣城

按圖經及寰宇記引輿地志云本江乘之白石壘也齊武帝以其地帶江山移琅琊居之唐武德元年罷金陵縣築城於此因其舊名曰白下正觀七年復舊治此地遂廢今攷唐書地理志云武德三

年更江寧縣曰歸化八年更歸化曰金陵九年更金陵曰白下隸潤州正觀九年復更白下曰江寧前說興廢本末與此不同宜以唐史爲正又按南史齊武帝欲修白下城難於動役劉係宗啟謫役在東民丁隋唐寓之爲逆者上從之後武帝講武白下履行其地曰係宗爲國家得此一城圖經云在西北十四里今靖安鎮北有白下城故基父老傳云即此地也屬金陵鄉去府城十八里

臨沂縣城

按輿地志云晉成帝咸康三年分江乘縣置臨沂縣屬琅琊郡陳亾遂廢在府城北三十里

檀城

寶章閣藏版

輿地志云本謝玄之別墅太傅謝安與玄奕棋所勝者至宋屬檀道濟故名檀城圖經云在縣東八里今按建康實錄在墅城東八里非去縣八里也地圖謂之城子墅今清風鄉有城子墅在黃城橋之西即其地去府城四十里

蔣州城

杜佑通典隋平陳於石城置蔣州寰宇記輔公柝據江東用爲揚州唐趙郡王孝恭平公柝又於其城置揚州大都督後徙揚州於廣陵此城遂廢

吳固城

圖經云在溧水縣西南九十里高一丈五尺羅城周回七里二百三十步子城一百一里九十步勝

公廟記吳時瀨渚縣也楚靈王與吳戰吳兵不利遂陷此城吳乃移瀨渚於溧陽南十里改爲陵平縣靈王崩平王立使蘇迺爲將戰於吳吳軍敗收吳陵平縣改爲平陵縣自平王聽費無忌佞言伍員奔吳闔閭用爲將舉兵破楚奔南海固城宮殿逾月煙焰不滅其城遂廢

石闕

縣北五里有四石闕在臺城之門南高五丈廣三丈六寸梁武帝所造及成命朝士銘之時陸倕字佐公其文甚佳士流推伏侯景作亂焚燒宗廟城郭府寺百無一存尋高麗百濟等國人貢見其凋殘遂哭於闕下楊修之有詩云雙石巍巍慰眼青

寶章閣藏版

滿朝珍重佐公銘宮城府寺俱灰燼翻使夷人謾涕零

朱雀門

晉都城南門也按晉書新宮立三門於南面正中曰宣陽與朱雀門相對王導嘗出宣陽門望牛首山兩峯相向導指爲天闕牛首山在今城南門近東面勢正與桐樹灣相對以此地攷之在今上元南廂也

白下門

兩漢地理志未有白下縣按南史宋明帝時聞人謂宣陽門爲白門以爲不祥甚諱之右丞江謐誤犯帝變色曰白汝家門按唐會要及地理志武德

二年更江寧曰歸化八年又更歸化曰金陵九年更金陵曰白下正觀九年又更白下曰江寧則白下縣始於此然未知其得名之因一說謂春秋時楚使子木之子勝處吳邑爲白公攷金陵吳邑也恐白之得名自此始一說謂本江乘縣之白石壘以其地帶江山之勝故爲城於此曰白下城東門謂之白下正其往路也一說謂齊武帝時已闢武於白下自唐武德以後因之也荆公東門詩有東門白下亭之句參寥訪荆公詩曰苦嫌榮祿早收身歸與漁樵共隱淪白下門西山迤邐與來長是岸烏巾徐師川詩曰廣陵纔過又金陵白社還思白下亭鴈翅水連千里浪蛾眉山出兩峯青正謂

此也

丹陽門

丹陽丹楊丹徒各自有義按前漢志秦彰郡乃漢丹陽郡武帝二年更名也九域志引江南地志云漢丹陽郡北有赭山丹赤故因名曰丹陽至東晉始以丹楊爲義按地理志建業秣陵丹楊句容溧陽江寧皆隸丹楊郡屬揚州所統注云丹楊山多赤柳在郡西故曰丹楊丹徒春秋時謂之朱方按建康實錄孫權鎮京口注曰秦始皇發赭衣刑徒伐山開道故名邑曰丹徒

六朝事迹編類卷之三終

光祿寺署正上元李濱古漁重校刊

六朝事迹編類卷之四

樓臺門 亭館附
左奉議郎充江南東路安撫司幹辦公事張敦頤養正撰

落星樓

圖經云在縣東北臨沂縣前吳大帝時山上置三層樓樓高故以此為名左太冲吳都賦云饗戎旅乎落星之樓是也今石步相去一里半有落星墩里俗相傳即當時建樓處今去城四十里

烽火樓

圖經云在石頭城西南最高處揚修之詩注云沿江築臺以舉烽燧自建康至江陵五千七百里有警半日而達按南史宋文帝元嘉二十七年魏太

武至瓜步聲欲渡江始議北侵朝士多有不同至是帝登烽火樓極望不悅謂江湛曰北伐之計同議者少今日貽大夫之憂在予過矣又齊武帝登烽火樓詔羣臣賦詩蕭穎胄詩合旨帝謂穎胄曰宗室便不之才

入漢樓

東晉書云義熙八年於石頭城東起入漢樓在城西門外

景陽樓

輿地志云宋元嘉二十二年築至孝武大明中紫雲山景陽樓因名之今法寶寺西南遺址尚存

周處臺

寶章閣藏板

附雉東南有故臺基曰周處臺今鹿苑寺之後梅摯記云按西晉史處字子隱義興陽羨人弱冠時好馳騁不修細行州曲患之自知為衆所惡慨然有改勵之志里人以三害切諷於是射虎斬蛟往見陸雲具以誠告雲曰古人學道貴朝聞夕死君前途尚可第患志之不立何憂名之不彰遂退而嚮學有文言必信行必謹如是期年州府交辟仕吳為東觀左丞吳平入洛界遷郡太守率有善狀拜御史中丞凡所糾劾不避權貴卒樹功名沒世遠耀噫天地至大根一氣陶萬化未始無過陰陽寒暑小有繆戾則從而改之卒歸大化而况於人乎古聖賢本天地之性以修其性亦未嘗諱過後

之人不獨諱之而已抑又從而文之自底悔尤良可嗟惜惟子隱少而不逞長乃自悟一旦番然去惡即善遂爲名世忠賢可不重乎則中人所稟因物染遷爲時註誤德有小善言有小疵未甚子隱之害於而鄉又何憚改爲哉予因表是臺新是堂非止卜高明之居包遊覽之勝而與民同樂亦將有激時世云

衛玠臺

晉書云玠字叔寶初字豫章南辭王敦歸建業都人聞其姿容觀者如堵尋以疾終年二十七時人謂之看殺葬江寧楊修之有詩云年少才非洗馬才珠光碎後玉光埋江南第一風流者無復羊車

過舊街其臺傳在城南十里

九日臺

南史齊武帝永明四年四月作商飈館於孫陵岡世呼爲九日臺十道四番志云武帝九月九日以宴羣臣孫陵岡即吳大帝蔣陵今在鍾山鄉蔣廟之西南俗呼爲松陵岡去縣十二里楊修之有詩云甲光如水戟如霜御酒杯浮菊半黃東日西風滿天仗簫韶一部奏清商

雨花臺

梁武帝時有雲光法師講經於此感得天雨賜花天廚獻食荆公有詩云盤互長干有絕陁并包佳麗入江亭新霜浦淑縣靜薄晚林巒往往青楊

無爲有詩云空書來震旦康樂造淵微貝葉深山
譯曼花半夜飛香清雖透筆蕊散不露衣舊社白
蓮老遠公應望歸

梁昭明書臺

舊傳梁昭明太子著書於此今遺址尚存蔣山定
林寺後山北高峯上

新亭

晉初元帝渡江僕射周顛與羣臣遊宴坐中歎云
雖風土不殊舉目有山河之異因而流涕王導曰
諸公當須戮力中原以壯王室何爲作楚囚悲邪
衆皆肅然整容宋孝武即位於新亭僕射王僧達
改爲中興亭去城西南十五里附近江渚楊修之

有詩云滿目江山異洛陽北人懷土淚千行不如
亾國中書令歸老新亭是故鄉

五馬亭

晉元帝與彭城王元西陽王羨南頓王宗汝南王
宏南渡之後當時讖云五馬浮渡江一馬化爲龍
謂此也亭今廢其地屬金陵鄉去城西二十五里
幕府山之側

東冶亭

晉太元中於汝南灣東南置亭爲士大夫餞送之
所楊修之有詩曰忍淚相看酒共持一生心事幾
人知年年折盡東亭柳此別縣縣無盡期舊傳在
縣東八里

白下亭

李白金陵白下亭留別詩云驛亭三楊樹正當白下門王荆公有詩云東門白下亭摧壁蔓寒葩則亭在東門明矣荆公舊宅在今報寧寺故基其詩有門前秋水可揚舫有意西尋白下亭之句今廢矣

翠微亭

在城西五里清涼寺山頂南唐時建林逋有詩云亭在江干寺清涼更翠微陳軒金陵詩集注云清涼寺翠微亭最爲佳處

賞心亭

丁晉公謂所建也公以家藏袁安卧雪圖張於其

屏乃唐周昉筆經十四太守無敢覬覦者後爲一太守以凡筆畫蘆雁易之王琪密學來作守登臨賦詩曰千里秦淮在玉壺江山清麗壯吳都昔人已化遼天鶴舊畫難尋卧雪圖冉冉流年去京國蕭蕭華髮老江湖殘蟬不會登臨意又噪西風入坐隅荆公有詩云檻折簷傾野水傍臺城佳氣已消亾難披草莽尋千古獨倚青冥望八荒坐覺塵沙昏遠眼忽看風雨破驕陽扁舟此日東南興欲望江流萬里長又詩云霸氣消磨不復存舊朝臺殿只空邨孤城倚薄青天近細雨侵尋白日昏稍覺野雲成晚霽卻疑山月是朝暉此時江海無窮興醒客無言醉客喧

三山亭

在城西五里清涼寺石頭城之西面對三山其地屬金陵鄉

儒學館

南史宋文帝元嘉十五年立儒學館於北郊命雷次宗居之即今覆舟山之南也

湯泉館

徐鉉有湯泉舊館詩今遺基尚存在神泉鄉湯山之下

儀賢堂

建康實錄吳時造號為中堂楊修之詩注云在臺城內梁武帝謙恭待士大通中有四人來年七十

餘鶉衣躡履行丐經年無人知者帝召入儀賢堂給湯沐解御服賜之帝問三教九流及漢書事了如目前帝心異之舉朝無識者惟昭明太子識而禮重之四人喜揖昭明如舊交時目之為四公子楊修之有詩云兩兩鶉衣白髮翁經筵談柄坐生風昭明太子歡相得應與商山四皓同

聽箏堂

晉孝武帝幸謝安宅命讌安侍坐使桓伊吹笛為一弄畢又撫箏按徽金滕曲聲節慷慨俯仰可觀安淚下露襟乃越席將其鬚曰使君於此不凡帝甚有媿色此堂基至今樵采者不敢近楊修之詩云鴈柱鸞絃十有三南山安石位巖巖逡巡奏罷

金滕曲堂上露襟歎不凡

被楔堂

楊修之金陵詩注云在縣北五里臺城內天淵池架石引水為流杯之所六朝上巳日宴錫公卿於此輿地志云宋元嘉二十二年鑿天淵池造景陽樓今法寶寺之南有景陽樓古基側有池舊傳即天淵池歲久湮沒今不復有堂矣

蠶堂

隸縣北七里者闈寺前沙市中六朝皇后親蠶之所也楊修之詩云摘繭抽絲女在機茅簷葦箔舊堂扉年年桑柘如雲綠翻織誰家錦地衣

三閣

寶章閣藏版

陳後主至德二年於光昭殿前起臨春結綺望仙三閣高數十丈竝數十間其窗牖戶壁欄檻之類皆以沈檀為之又飾以金玉間以珠翠外施朱簾內設寶帳其服玩之屬瑰麗皆近古所未有每微風至香聞數里朝日初照光映後庭其下積石為山引水為池植以奇樹雜以花藥後主自居臨春閣張麗華居結綺閣麗華本兵家女以織簾為業龔孔二貴妃居望仙閣竝復道交相往來以宮人有文學者袁大捨等為女學士後主每引賓客江總等對貴妃遊宴則使諸貴人及女學士與狎客賦詩互相贈答采其尤豔麗者以為詞被以新聲采宮女有容色者千百數習而歌之分部迭進持以相樂其曲

有玉樹後庭花臨春樂等麗華聰慧有神采嘗於閣上靚妝臨於軒檻宮中遙望飄若神仙才辯強記善候人顏色薦諸宮女後宮咸德之又工厭魅之術假鬼道以惑後主置淫祀於宮中聚諸女巫使之鼓舞時後主怠於政事百官啟奏竝因宦者蔡臨兒李善度進請後主每置張麗華於膝上共決之大臣有不從者因而譖之言無不聽於是張孔之權熏灼四方内外交結貨賄公行賞罰無常綱紀替亂矣及隋軍克臺城二妃與後主俱入井隋軍出之晉王廣命斬之於青溪柵下北史高顛傳隋平陳晉王廣欲納張麗華顛曰武王伐紂戮妲己今陳平不宜取麗華乃命斬之當以北史爲

寶章閣藏版

正

馳道

宋孝武帝作馳道自閭闔北出承明抵真武湖十餘里爲調馬之所也楊修之有詩云路平如砥直如絃官柳千株拂翠煙玉勒金羈天下駿急於奔電更揮鞭

層城觀 一名穿鍼樓

輿地志云齊武帝七月七日使宮人集此是夕穿鍼以爲乞巧之所亦曰穿鍼樓在臺城內楊修之有詩云秋星如彈月如梳宮妓香添乞巧鑪萬縷千鍼同一意眼穿腸斷得知無

齊雲觀

齊雲觀

陳後主禎明二年建在臺城內國人歌曰齊雲觀
寇來無際畔楊修之詩云上界笙歌下界聞縷金
羅袖鬱金裙倚欄紅粉如花面不見巫山空暮雲

桂林苑

寰宇記云桂林苑在縣北落星山之陽左太冲吳
都賦云數軍實乎桂林之苑即此地也

樂遊苑

輿地志云在晉爲藥園宋元嘉中以其地爲北苑
更造樓觀後改爲樂遊苑宋孝武帝大明中造正
陽林光殿於內梁侯景之亂焚毀略盡陳天嘉六
年更加修葺陳亡遂廢又按建康實錄宋文帝元
嘉十一年三月禊飲於樂遊苑會者賦詩顏延之

爲之序南史梁大通三年武帝幸樂遊苑時新造
兩刀稍長二丈四尺圍一尺三寸帝因賜羊侃何
南國紫騮馬試之侃執稍上馬左右擊刺特盡其
妙觀者登樹樹俄而折因號其稍爲折樹稍及陳
宣帝即位北齊使常侍李駒駉來聘賜宴樂遊苑
尚書令江總作詩以贈之寰宇記云其地在覆舟
山南去縣六里

上林苑

南史宋孝武大明三年於真武湖北立上林苑建
康實錄云在縣北十三里有古池俗呼爲飲馬塘
楊修之詩注云其苑連雞籠山在縣北七里

芳林苑

寰宇記云芳林苑一名桃花園本齊高帝舊宅在府城之東秦淮大路北武帝永明五年嘗幸其苑禊宴王融曲水詩序云載懷平浦乃眷芳林蓋謂此也又按南史齊時青溪宮改爲芳林苑梁天監初賜南平元襄王爲第益加穿築果木珍竒窮極雕靡命蕭子範爲之記蕃邸之盛無以過焉

芳樂苑

齊東昏侯方在位時與宮人於閤武堂元會皇后正位闈人行儀帝戎服臨視又於閤武堂爲芳樂苑窮竒極麗多種樹木日與潘妃放恣褻瀆不可言明帝崩竟不一日蔬食居處衣服無改平常潘妃生女百日而凶制斬衰杖經衣悉麤布羣小來

弔盤旋坐地舉手受執蔬膳積旬不聽音樂左右直長闈豎等共營者羞爲天子解菜又於苑中立店肆模大市日游市中雜所貨物與宮人闈豎共爲裨販以潘妃爲市令自爲市吏錄事將鬪者就妃罰之帝小有得失潘則杖之開渠立埭躬自引船埭上設店坐而屠肉於時百姓歌云閤武堂種楊柳至尊屠肉潘妃酤酒

六朝事迹編類卷之四終

光祿寺署正上元李濱古漁重校刊

六朝事迹編類卷之五

左奉議郎充江南東路安撫司幹辦公事張敦頤養正撰
江河門 溝渠溪井附

大江

西接江寧界東接句容界北接真州六合縣界沿
流一百二十里按三國志吳書魏文帝有渡江之
志徐盛從建業築圍上設假樓江中浮船文帝到
廣陵望圍愕然彌漫數百里而江水盛長便引退
文帝歎曰魏雖有武騎千羣無所用也又按江南
野史周世宗問孫忌江南虛實忌曰長江千里險
過湯池可敵十萬之師世宗聞而忌之

秦淮

秦始皇東巡會稽經秣陵因鑿鍾山斷金陵長隴
以疏淮隴乃嶺也長其淮本名龍藏浦上有二
源一源發自華山經句容西南流華山在句容縣界高山九里似蔣
山一源發自東廬山經溧水西北流入江寧界廬
山在溧水縣東南十五里高六十八丈周回二十里山西一源入秦淮二源合自方
山埭西注大江其分派屈曲不類人功疑非秦皇
所開而後人因名秦淮者以鑿方山言之揚修之
有詩曰一氣東南王斗牛祖龍潛為子孫憂金陵
地脈何曾斷不覺真人已姓劉

直瀆

吳後主孫皓所開隸鍾山鄉去縣三十五里西至
霸埂東北接竹港流入大江揚修之詩注云瀆在

幕府山東北長十四里闊五丈深一丈初開之時
晝穿夜復自塞經年不就傷足役夫卧其側夜見
鬼物來填因嗟歎曰何不以布囊盛土棄之江中
使吾徒免殫力於此傷者異之曉白有司如其言
乃成瀆道直故名曰直瀆輿地志曰白下城西南
有蟹浦蟹浦西北有直瀆伏滔北征記云吳將甘
寧墓在此俗云墓有王氣孫皓惡之乃鑿其後為
直瀆又按晉書蘇峻舉兵温嶠帥師救京師遣王
愆鄧期兵為前鋒次直瀆即此地也揚修之有詩
曰晝役人功夜鬼功陽開陰闔幾時終不聞擲土
江中語爭得盈流一水通

橫塘

六朝事蹟編卷之五
吳大帝時自江口沿淮築隄謂之橫塘楊修之有
詩云早潮纔過晚潮來一一軒窗照水開鑑面無
塵風不動分明倒影見樓臺

青溪

建康實錄吳赤烏四年冬鑿東渠名爲青溪寰宇
記云青溪在縣東六里闊五丈深八尺以洩真武
湖水輿地志云青溪發源鍾山入於淮連綿十餘
里溪口有埭埭側有神祠曰青溪姑今縣東有渠
北接覆舟山以近後湖里俗相傳此青溪也其水
迤邐西出至今上水閘相近皆名青溪陶季直京
都記云京師鼎族多在青溪埭尚書孫瑒尚書令
江總宅當時竝列溪北又南史齊永明元年望氣

者言新林婁湖有王者氣帝迺築青溪舊宮作新
林婁湖苑以厭之又建康實錄云郗僧施泛舟溪
中每經一曲作詩一首隋煬帝平陳斬張麗華孔
貴嬪二人於此柵下楊修之有詩云傾城傾國兩
妃嬪此地聞名不見人潛想舊時紅粉面落花風
裏步香塵

潮溝

輿地志潮溝吳大帝所開以引江潮建康實錄云
其北又開一瀆北至後湖以引湖水今俗呼爲運
瀆其實自古城西南行者是運瀆自歸善寺門前
東出自青溪者名潮溝其溝向東已湮塞西則見
通運瀆按實錄所載皆唐事距今數百年其溝曰

益煙塞未詳所在今府城東門外西抵城壕有溝東出曲折當報寧寺前里俗亦名潮溝此近世所開非古潮溝也

霹靂溝

王荆公詩云霹靂溝西路柴荆四五家憶曾騎款段隨意入桃花在城東五里

北渠

吳後主引北湖水入宮城巡遶堂殿窮極機巧費役萬工楊修之有詩云金殿分來玉砌流黑龍湖撒鳳池頭後庭花落恩波斷翻與南唐作御溝在城北二里

蟹浦

寶章閣藏版

輿地志云白下城西南有蟹浦源出鍾山北流九里入大江在城西北十六里

覆杯池

晉元帝中興頗以酒廢政丞相王導奏諫帝因覆杯於池中以為誡楊修之有詩云金杯覆處舊池枯此後還曾一醉無東晉中興股肱力元皇亦學管夷吾今城北三里西池是也

落义池

蔣山寶公塔之東悟真菴前舊傳迦毗羅神與隋梵僧密多至此交戰神落义於此池因以得名

石池

臺城内千佛禪院本梁同泰寺後吳順義二年置

院前有醜石四各高丈餘名三品石西有白蓮閣閣下有小石池面方一丈餘言是陳時景陽井今有古石井欄其上本鐫刻文字悉已殘毀惟戒哉二字可辨今名法寶院楊修之有詩曰蘿蔓藤花歲自添露痕還似雨痕露莫將廢苑爲閒地猶可巖巖使具瞻

邀笛步

舊名蕭家渡在城東南青溪橋之右今上水閘是也晉書云桓伊善樂盡一時之妙爲江左第一有蔡邕柯亭笛常自吹之王徽之赴召京師泊舟青溪側伊素不與徽之相識自岸上過船中客稱伊小字曰此桓野王也徽之令人諭之曰勝聞君善吹笛爲我一奏伊是時貴顯素聞徽之名便下車踞胡牀爲作三調弄畢便上車去客主不交一言故今名爲邀笛步也

太子湖

吳宣明太子孫登所創謂之西池晉元帝即位明帝爲太子更加修之多養武士於池內築土爲臺時人呼爲太子西池建康實錄晉太元十年夏四月符堅爲姚萇慕容冲所逼遣使求救詔太保謝安率衆救秦帝自行西池宴羣臣錢安在城北六里周回十里

迎擔湖

南徐州記云費縣西北八里有迎擔湖昔晉元嘉

中元帝南遷衣冠席卷過江客主相迎湖側遂以此為名在府北五里石城後其湖既田三十里

蘇峻湖

南徐州記云迎擔湖西北有蘇峻湖本名白石陂建康實錄晉成帝咸和二年蘇峻舉兵逼帝遷於石頭陶侃溫嶠庾亮陣於白石使將軍楊謙攻峻於石頭峻輕騎出戰謙詐北奔白石壘峻逼之纔交鋒峻墜馬侃督護李陽臨陣斬峻於白石陂岸至今呼此陂為蘇峻湖在城西北十五里周回十里

半陽湖

輿地志云江乘縣南有半陽泉半冷半熱又南徐

寶章閣藏版

州記云江乘縣南有半陽泉半冷半熱熱處可爛物冷處如冰熱處魚入冷處即死冷處魚入熱處亦死民種稻則既熱水一年再熟今廢揚修之有詩云江南龍節水為鄉水不純陰又半陽一片湖光共深淺兩般泉脈異溫涼在城東北四十里周回十五里

絳巖湖

圖經云在句容縣西南三十里源出絳巖山周回二十里溉田一百頃舊收歲課錢二百二十貫咸平三年正月奉敕除放

固城湖

圖經云水路在溧水縣南九十五里周回一百里

六朝書影金編頭卷之五

東西二十五里南北三十里有四派東經五堰經
常州宜興縣界入太湖

丹陽湖

圖經云在溧水西八十里周回一百九十五里與
太平州當塗縣分界昔唐李白常遊此湖酷愛其
景乃張帆載酒縱意往來而作詩曰湖與元氣連
風波浩難止天外賈客歸雲間片帆起龜遊蓮葉
上鳥送蘆花裏少婦棹輕舟歌聲逐流水

溧陽源

圖經云在縣西北二十三里曹姥山西經溧水縣
東流入縣界又南流三十里入長塘湖一名瀨水
吳越春秋云伍子胥奔吳至瀨渚遇女子因跪乞

食女食之授以壺漿誠曰勿言既濟女已投水後
子胥伐楚還投金於瀨水以報之須臾有嫗行哭
而來曰吾女三十不嫁遇窮人食之投水而死乃
取金以歸水次有碑李白文

麾扇渡

圖經云在縣東南四里故朱雀航之左晉廣陵相
陳敏反南渡江時假顧榮丹陽內史榮發舟南岸
敏率衆萬餘人出不獲濟榮以白羽扇麾之其軍
遂自潰因以爲名也楊修之有詩云旌旗爍日刃
凝霜甲馬如龍人似狼羽扇一麾風偃草策勲多
謝顧丹陽

五馬渡

圖經云在縣西北二十三里幕府山之前晉元帝與彭城等五王渡江處按晉書太安之際童謠云五馬浮渡江一馬化爲龍及永嘉中元帝登大位乃其符云五馬之名取此

桃葉渡

圖經云在縣南一里秦淮口桃葉者晉王獻之愛妾名也其妹曰桃根獻之詩曰桃葉復桃葉渡江不用楫但渡無所苦我自迎接汝不用楫者謂橫波急也嘗臨此渡歌送之楊修之有詩云桃葉桃根柳岸頭獻之才調頗風流相看不語橫波急艇子翻成送莫愁

白鷺洲

寶一 半閣藏版

圖經云在城西南八里周回十五里對江寧之新林浦唐李白詩云三山半落青天外二水中分白鷺洲

長命洲

梁武帝放生之所也在石頭城前帝日市鵝鴨雞豚之屬放此洲名爲長命洲置戶十家常以粟穀餵飼歲各千石而爲狐狸所食及掌戶竊而烹者各半輿地志魏使李恕來聘帝時於此放生問恕曰北主頗知此事乎對曰魏國不殺亦不放帝無以應之楊修之有詩云梁武慈悲不鼎烹蒙恩秦養亦虛名狐狸口腹應潛飽就死多於日放生

葛仙丹井

仙翁葛玄煉丹井也按建康實錄吳大帝好道術
玄嘗與遊處後玄白日昇天其井尚存外有石欄
相傳云南唐所造今去城四十里方山頂上是也

應潮井

蔣山頭陀寺中塔記云梁大同元年後閣舍人石
興造山頂第一峯禪殿後有一井泉與江潮盈縮
增減相應揚修之有詩云碧甃時時減復增山頭
海面密相應吉來泉脈誰穿鑿潮落潮生不暫澄

景陽井

一名胭脂井

臺城南景陽宮井也按南史隋克臺城陳後主與
張麗華孔貴嬪俱入井隋軍出之故杜牧之詩云
三人出省井謂此也其井有石欄上多題字舊傳

寶章閣藏版

飛一作分

云欄有石脈以帛拭之作胭脂痕或云石脈之色
類胭脂故云圖經不載楊修之有詩云擒虎戈矛
滿六宮春花無樹不秋風倉黃益見多情處同穴
甘心赴井中唐李白金陵歌曰石頭巉巖如虎踞
凌波欲過滄江去鍾山龍盤走勢來秀色橫飛歷
陽樹四十餘帝三百秋功名事迹隨東流白馬小
兒誰家子秦清之歲來關囚金陵昔時何壯哉席
卷英豪天下來冠蓋散為雲霧盡金輿玉座成寒
灰扣劍悲吟空咄嗟梁陳白骨亂如麻天子龍沈
景陽井誰歌玉樹後庭花此地傷心不能道目下
離離長春草送爾長江萬里心他年來訪商山皓

藏冰井

覆舟山上有凌室乃六朝每歲藏冰於此也楊修
之有詩云尤喜凌人職未墮閉藏出納示箴規戰
競國步艱難者常似臨深履薄時在城東北十里

六朝事迹編類卷之五終
光祿寺署正上元李濱古漁重校刊

寶章閣藏版

佛寺五所

方山

寰宇記云山高一百一十六丈周回二十七里圖
經云四面方如城東南有水下注長塘流既平陸
又按輿地志云湖孰西北有方山頂正方上有池
水山謙之丹陽記曰山形方如印故曰方山亦名
天印山秦始皇鑿金陵此山是其斷處文選謝靈
運東出鄉里相送至方山靈運嘗賦詩其略云解
纜及流潮懷舊不能發又按南史宋何尚之為尚
書令元嘉末致仕於方山著退居賦以明所守議
者咸謂尚之不能固志後果然又按齊武帝嘗幸
方山顧左右曰朕欲經始山之南復為離宮期勝

新林苑徐孝嗣答曰繞黃山款牛首乃盛漢之事
今江南未廣願少留神乃止圖經謂齊武帝於方
山築苑不知何所據而云今在城東南四十五里

攝山

寰宇記云周回四十里高一百三十二丈東運畫
石山南接落星山陳江總攝山棲霞寺碑文云南
徐州琅琊郡江乘縣有攝山其狀似繖亦名繖山
尹先生記云山多草藥可以攝養故以攝爲名南
史齊明僧紹住江乘攝山今棲霞寺即其宅也今
去城四十五里

東山

上元縣有兩東山一在崇禮鄉今土山是也晉書

寶章閣藏版

謝安寓居會稽棲遲東山此安之舊隱也後於土
山營築以擬東山今去縣二十里一在鍾山鄉蔣
廟東北宋劉劭隱居之地南史劭嘗經始鍾嶺以
爲棲息及造園宅名爲東山今去縣十五里陳軒
金陵集載李白李建勳東山詩皆指土山而作

白山

圖經云舊屬江乘縣周回八里高八十丈東接竹
堂山南接蔣山北連攝山西有水下注平陸輿地
志云階礎碑石悉出此山南史梁散騎常侍韋載
有田十餘頃在江乘縣之白山天嘉元年遂築室
而居屏絕人事不入籬門者十載今去縣二十里

湯山

寰宇記云在縣東北其西接雲穴山山不甚高無大林木有湯泉出其下大小凡六處湯礪繞其東南四時常熱禽鳥之類入之輒爛以煮豆穀終日不熟草木濯之轉見鮮茂舊有湯泉館今廢去縣五十里

大壯觀山

圖經云在城北一十八里周回五里高二丈東連蔣山西有水下注平陸南臨真武湖北臨蠡湖舊經謂陳宣帝起大壯觀於此山因以為名南史宣帝太建十一年八月幸大壯觀因大閱武命都督任忠領步騎十萬陣於真武湖上登真武門觀宴羣臣因幸樂遊設絲竹之會仍重幸大壯觀振

旅而還

臨沂山

圖經云在城東北四十里周回三十里高四十丈東北接落星山西臨大江西南有舊臨沂縣城

祈澤山

舊經云初法師嘗結茅於此有龍女來聽講既而神泉涌於講座下後遂為祈禱水旱之所山因此得名高五十丈周回十里東連彭城山北連青龍山今去縣二十三里

盧龍山

圖經云在城西北十六里周回五里高三十六丈東有水下注平陸西臨大江舊經云晉元帝初渡

江到此見山嶺繇延遠接石頭眞江上之關塞以
比北地盧龍山因以爲名

馬鞍山

圖經云以形似得名西臨大江東與石頭城相接
南史陳後主禎明三年隋將濟江宜黃侯慧紀自
荊州帥將士沿江而下欲趨臺城遣南康太守魯
肅將兵以鐵鎖橫江隋將楊素奮兵擊之爭馬鞍
山四十餘戰隋軍死者五千餘人今去城十里

大城山

圖經云周回二十二里高八十二丈南接符堅山
西接鴈門山北接竹堂山今去城七十里

望祭山

寶章閣藏版

東晉成帝於北郊以白山鍾山配四十四神之數
兼祭之按通典梁武帝省四望座惟鍾山及松江
浙江五湖白石山竝存之

絳巖山

圖經云在句容縣西南三十里周回二十四里高
一百六十五丈上有龍坑祠壇江南地志云漢丹
陽縣北有赭山其土赤因爲郡名本名赤山唐天
寶六年改名絳巖山

竹里山

圖經云在句容縣方輿地記云行者以其途傾險
號曰翻車峴鮑昭有行翻車峴詩即此山也

濁山

圖經云在溧水縣東南十里高一十丈周回五里
山北濁水出焉輿地志云溧水縣有濁山下有濁
水即秦淮之源也

東廬山

圖經云在溧水縣東南一十五里高六十八丈周
回二十里有三水源一出山西流入秦淮一自山
東北流入馬沈港一自山東南吳漕流入丹陽湖
丹陽記云溧水縣東有廬山與丹陽分界俗傳云
以廬舍爲名又云嚴子陵嘗結廬於此

大巫山

圖經云在溧陽縣北四十五里周回二百五十步
高八丈長塘湖內接鎮江府金壇縣界

寶章閣藏版

小巫山

圖經云在溧陽縣東北二十五里周回四里高五
丈長塘湖內石上有獸跡

平陵山

圖經云在溧陽縣西北三十五里高三丈周回三
里晉書云咸和四年李閔斬韓晃蘇逸於此

鐵冶山

圖經云在溧陽縣西南七十里周回二十里高一
百八十八丈輿地志云前代鐵冶處

白土岡

圖經云北連蔣山其土色白因名之輿地志云同
夏縣西有白土壑即此地按北史隋賀若弼嘗破

陳軍於蔣山之白土岡今蔣山西北有岡壟土色
正白乃其地圖經云在縣東二十二里非是蓋同
夏縣在今縣東十五里而白土岡在同夏之西不
應有二十二里之遠也

白楊路

圖經云縣南十二里石岡之橫道是也六朝雜事
云宋袁粲常酌於此忽逢村父便留連笑語人怪
而問之答曰吾侶偶遇非知音也楊修之有詩云
殘枝敗葉幾露春莫問栽培迹已陳細雨斜風馬
無力蕭蕭滿路更愁人

千佛嶺

在攝山棲霞寺之側按江總棲霞寺碑明僧紹居

寶章閣藏版

士子仲璋為臨沂令於西峯石壁與度禪師鑄造
無量壽佛大同二年龕頊放光齊文惠太子豫章
文獻王竟陵文宣王始安王及宋江夏王霍姬齊
田真等琢石建像梁臨川靖惠王復加瑩飾嶺之
中道石壁有沈傳師徐鉉張稚圭王雲題名

謝安墩

在半山報寧寺之後基址尚存謝安與王羲之嘗
登此超然有高世之志李太白將營園其上乃作
詩曰晉室昔橫潰永嘉遂南奔沙塵何茫茫龍虎
鬪朝昏胡馬風漢草天驕蹙中原哲匠感頽運雲
屏忽飛翻組練照楚國旌旗連海門西塞百萬衆
戈甲如雲屯投鞭可填江一掃不足論皇運有返

正醜虜無遺魂談笑遏橫流蒼生望斯存治城訪
古跡猶有謝安墩憑覽周地險高標絕人喧想像
東山姿緬懷右軍言梧桐識佳樹蕙草留芳根地
古雲物在臺荒禾黍繁我來酌清波於此樹名園
功成拂衣去歸入武陵源王荆公詩云我名公字
偶相同我屋公墩在眼中公去我來墩屬我不應
墩姓尚隨公

桃花塢

在蔣山寶公塔之西北舊有桃花甚盛今不復存

方山埭

建康實錄吳赤烏八年使校尉陳勳發屯田兵於
方山南截淮立埭號方山埭又按南史湖孰縣方

山埭高峻冬月行旅以爲難齊明帝使沈瑀修之
瑀乃開四洪斷行客就作三日便辦其埭今去城
四十五里

雞鳴埭

建康實錄青溪有橋名募士橋橋西南過溝有埭
名雞鳴埭齊武帝早遊鍾山射雉至此雞始鳴圖
經云今在青溪西南潮溝之上又按南史齊武帝
永明中數遊幸諸苑載宮人從車宮內深隱不聞
端門鼓漏聲置鐘景陽樓上應五鼓及三鼓宮人
聞鐘聲竝早起裝飾帝數幸琅琊城宮人常從早
發至湖北埭雞始鳴故呼爲雞鳴埭若爾其埭又
當近北父老傳曰今清化市真武廟側是其處也

二埭恐皆當時所歷姑兩存之

射雉場

圖經云在縣東二十里齊東昏侯置射雉場五百所皆以七寶裝翳楊修之有詩云外作禽荒內色荒三千紅粉日嚴妝潘妃縱有嫣然態不步金蓮到射場

絕地

圖經云在縣南三里古大社西有凶地三畝晉周顛司馬秀蘇峻皆宅於此悉以禍敗宋王僧綽曰大丈夫當以正道自居何宅之有凶吉尋為元凶所害場修之有詩云四主衣冠不令終高門列戟謾重重由來屠沃分勞逸莫道人凶非宅凶

寶章閣藏板

鑄劍坑

圖經云在溧陽縣南八十里石屋山之西舊經云昔吳王使歐冶子鑄劍於此

六朝事迹編類卷之六終

光祿寺署正上元李濱古漁重校刊

六朝事迹編類卷之七

左奉議郎充江南東路安撫司幹辦公事張敦頤

宅舍門

孔子巷

輿地志云孔子廟在樂遊苑東隔青溪本奉聖亭侯所奉之廟也舊在溪南丹陽郡之東南本東晉所立中廢宋元嘉十九年詔復孔子廟至齊遷於今處以舊地為浮圖今名孔子寺亦名孔子巷在城東南五里古長樂橋東

言偃里

史記孔子弟子列傳言偃字子游吳人今不知其里所在或云在城東二十二里

四學

南史宋文帝元嘉十五年立儒學館於雞籠山命雷次宗居之明年丹陽尹何尚之立立素學著作佐郎何承天立史學司徒參軍謝立立文學各聚門徒多就業者江左風俗於斯美焉

諸葛恪宅

圖經云在縣東二里古元風觀前南接青溪里俗傳云在今縣東南百餘步面對青溪其東即江令宅也

陸機宅

建康實錄云陸機入洛作懷舊居賦云望東城之紆徐邈五廬之延伫李太白題王處士水亭云齊

朝南苑是陸機宅其詩云王子耽立言賢豪多在門好鵝尋道士愛竹嘯名園樹色老荒苑池光蕩華軒北堂見明月更憶陸平原掃地青玉簟為余置金尊醉罷欲歸去花枝宿鳥喧何時復來此再得洗囂煩圖經云在縣南五里秦淮之側

杜姥宅

建康實錄晉成帝恭皇后杜氏母裴氏即杜宏治之妻也裴氏名穆孝武帝封為廣德君初穆渡江宅於南掖門外時裴氏壽考故呼為杜姥圖經云在舊縣東北三里舊縣在冶城今天慶觀之東是也其宅未詳所在

劉子珪宅

南史齊劉瓛字子珪居於檀橋瓦屋數間上皆穿漏永平七年竟陵王子良表武帝為立館帝以揚烈橋故主地給之檀橋在今縣東二十五里青龍山之前

沈約宅

南史梁沈約遷尚書令雖名位隆重而居處儉素立宅東田瞻望郊阜嘗為郊居賦以敘其事東田在鍾山之下也

朱异宅

南史梁朱异及諸子自潮溝列宅至青溪其中有臺池玩好每暇日與賓客遊焉

孫瑒宅

建康實錄陳起部尚書孫瑒居處奢豪宅在青溪東西即江總宅瑒家庭穿築極林泉之致歌童舞女當世罕儔

江令宅

陳尚書令江總宅也建康實錄及楊修之詩注云南朝鼎族多夾青溪江令宅尤占勝地後主嘗幸其宅呼為狎客劉禹錫詩云南朝詞臣北朝客歸來惟見秦淮碧池臺竹樹三畝餘至今人道江家宅今城東段大夫約之宅正臨青溪即其地也故王荆公詩云昔時江令宅今日段侯家此可驗也

宋齊上宅

舊傳在鎮淮橋之北御街之東今南北較務是也

其後又為南唐國子監

烏衣巷

王謝金陵人世以航海為業一日海中失船泛一木登岸見一翁一嫗皆衣阜引謝至所居乃烏衣國也以女妻之既久謝思歸復乘雲軒泛海至其家有二燕棲於梁上謝以手招之即飛來臂上取片紙書小詩繫於燕尾曰誤到華胥國裏來玉人終日苦憐才雲軒飄出無消息灑淚臨風幾百回來春燕又飛來謝身上有詩云昔日相逢冥數合如今睽違是生離來春縱有相思字三月天南無鴈飛至今歲竟不至因目謝所居為烏衣巷劉禹錫有詩曰朱雀橋邊野草花烏衣巷口夕陽斜舊

時王謝堂前燕飛入尋常百姓家此見圖經云在縣東南四里晉書王導紀瞻宅皆在此巷

扶南樂署

建康實錄吳赤烏七年扶南國獻樂人於此置舍以教宮人在縣北二里

乘黃署

輿地志云在東府之西北五輅及朝車凡駕馬者之所去縣東北六里

銅螭署

臺城刻漏署西本洛陽之舊物宋平姚秦遷於此魏明帝為太子時玩以玉手板刺螭口中因入不出後人常見白螭涎在其中梁元帝移之江陵此

後遂不復見揚修之有詩云挈壺傳箭遍天聰鑄
出蟠螭巧範同何事腹中藏怪物人驚蠃蜒氣如
虹

錦署

圖經云在縣東南十里宋遷百王於此也揚修之
有詩云人衣縵縷地衣紅不念家家杼袖空厥篚
織文應歲貢更翻新樣集機工

紙官署

輿地志宋永初中舊立齊高帝於此造銀光紙以
賜王僧虔在縣東一十五里

焚衣街

齊東昏侯自製服為四種冠五私袍一月中二十

寶章閣藏版

餘出晨出三更歸夜出清晨返梁自襄陽出師廢
之焚奢淫服六十二種於御街中楊修之有詩云
雉頭金縷又珠胎煙緒香雲晝不開御路傍人皆
歎息逡巡紅焰作青灰

六朝事迹編類卷之七終

光祿寺署正上元李濱古漁重校刊

六朝事迹編類卷之八

左奉議郎充江南東路安撫司幹辦公事張敦頤養正撰

識記門

三斷石

吳後主天冊元年掘地得銀長一尺廣三分刻上有年月字又於吳郡臨平湖邊得一石石中有一小石青白色長四寸廣二寸刻上作皇帝字於是改元天璽遂立石紀吳功德按建康實錄云縣南三十里西接牛頭山丹陽雲巖東路有大碣石長二丈折為三斷此紀功之碑也今移在府治中可辨者二百餘字漫滅者五十餘字楊修之有詩云孫吳紀德舊刊碑埋沒蟠螭與伏龜惆悵石岡三

寶章閣藏版

斷在至今猶似鼎分時

石印

天璽元年歷陽山石文理成字凡二十三云楚九州
渚吳九州都揚州士作天子四世治太平始江表
傳云歷陽縣有石山臨水高百丈其三十丈所有
七穿駢羅穿中色黃赤與本體不同俗傳謂之石
印又云石印封發天下當太平下有祠屋巫祝言
石印神有三郎時歷陽長表上言石印發皓遣使
以太牢祭歷山巫言石印三郎說天下方太平使
者作高梯上看印文詎以朱書石作二十字還以
啟皓皓大喜曰吳當為九州作都渚乎從大皇帝
逮孤四世矣太平之主非孤復誰重遣使以印綬

寶章閣藏版

拜三郎為王又刻石立銘褒讚靈德以答休祥此
見吳志注

石室

吳興陽羨山有空石長十餘丈名曰石室在所表
為大瑞皓乃遣兼司徒董朝兼太常周處至陽羨
縣封禪國山明年改元天紀大赦以應石文

潛鶴鼓

臺城端門上二鼓初得於會稽雷門傳是越王舊
物擊之聲聞洛陽後孫恩亂兵擊破中有二鶴沖
天而去自是不復鳴後人呼為潛鶴鼓楊修之有
詩云端門擊破使人驚潛鶴雙飛上玉清怪得舊
時聲太遠沖天合自九臯鳴

大明書經編類卷之八

獨足臺

陳末時有一鳥獨足飛上宮城臺上以觜畫地云獨足上高臺盛草化為灰欲知我家處朱門當水開解者以為獨足指後主獨行無眾盛草言荒穢隋承火運草得火而灰及國破隋煬帝館於都水臺所謂上高臺當水開也揚修之有詩云鳥跡分明在帝臺管絃聲裏輒書來回頭一覺風流夢猶得朱門傍水開

寶公銅牌記

按高僧傳公諱寶誌宋元嘉中現形於東陽鎮古木鷹巢中朱氏聞巢中兒啼遂收育之因以朱為姓施宅為寺公自少出家依於鍾山道林有銅牌

寶章閣藏版

記多識未來事云有一真人在冀州開口張弓在左邊子子孫孫萬萬年江南中主名其子曰弘冀錢鏐諸子亦皆連弘字以應之而國朝宣祖諱乃正當之

秦淮石誌

南唐保大中浚秦淮得石誌按其刻有大宋乾德四年凡六字他字磨滅不可識令諸儒參驗乃輔公祐反江東時年號太祖受命國號宋改元乾德江左始衰弱豈非威令將及而符讖先著也

天水碧

南唐末時前數年宮人接薔薇水染生帛一夕忘收為濃露所漬色倍鮮翠因令染坊染必經宿露

之號為天水碧宮中競服之識者以為天水趙之望也

六朝事迹編類卷之八終

光祿寺署正上元李濱古漁重校刊

蘇以章閣藏

六朝事迹編類卷之九

左奉議郎充江南東路安撫司幹辦人章張敦願養正撰

靈異門

新洲

南史宋武帝伐荻新洲見大蛇長數丈射之明日復至洲裏聞有杵臼聲往覘之童子數人皆青衣於榛中擣藥問其故答曰王為劉寄奴所射合散傅之帝曰王神何不殺之答曰寄奴王者不可殺帝叱之皆散收藥而反今薛家洲蓋其地也屬金陵鄉去城北四十里

八功德水

蔣山悟真菴後接梅摯亭記梁天監中有胡僧曇

隱寓錫於此山中乏水時有龐眉叟相謂曰予山龍也知師渴飲措之無難俄而一沼沸成後有西僧繼至云本域八池已失其一似竭彼盈此也其泉一清二冷三香四柔五甘六淨七不鑿八蠲疴故名八功德水自梁已前嘗取給御廚又按楊修之詩注云高僧曇隱遊行於此忽聞金石絲竹之音俄見清泉一泓瑩徹甘滑有積年疾者飲之皆愈

誌公鱠殘魚

高僧傳寶誌嘗對梁武帝食鱠帝曰朕不知此味二十餘年師何為爾誌乃吐出小魚鱗尾依然今金陵尚有鱠殘魚

寶章閣藏版

郝氏化蛇

郝氏梁武帝皇后也崩數月帝常追悼之晝則忽忽不樂宵乃耿耿不寐居寢殿聞外騷宰蘇骨切坤出聲視之乃一蟒盤躡上殿睽式冉切說文晴呀香牙切口以向於帝帝大驚駭無所逃匿不得已蹶然而起謂蛇曰朕宮殿嚴警非爾蛇類所生之處必其妖孽欲崇朕邪蛇為人語啟帝曰蟒則昔之郝氏也妾以生存嫉妒六宮其性慘毒怒一發則火熾矢射損物害人死以是罪謫為蟒耳無飲食可實口無窟穴可庇身飢窘困迫力不自勝又鱗甲有蟲啜好合啣玉筱肌肉痛苦甚劇若加錐刀焉蟒非常蛇亦復變化而至不以皇居深重

為阻耳感帝平昔眷妾之厚故託醜形陳露於帝
祈一功德以見拯拔也帝聞之嗚呼感激既而求
蟒遂不復見帝明日大集沙門於殿庭宣其由問
善之最以贖其苦誌公對曰非禮佛懺條悃款不
可帝乃然其言搜索佛經錄其名號兼親抒睿思
灑聖翰撰悔文共成十卷皆采摭佛語削去閒詞
為其懺禮又一日聞宮室內異香馥郁良久轉美
初不知所來帝因仰視乃見一天人容儀端麗謂
帝曰此則蟒後身也蒙帝功德已得生忉利今呈
本身以為明驗也慙懃致謝言訖而去此見梁武
懺序

燕雀湖

寶章閣藏版

輿地志云走馬橋見有燕雀湖窮神秘苑曰梁昭
明太子在東宮有一琉璃盤紫玉杯皆武帝所賜
也既薨詔置梓宮後更葬開墳為闍人攜入大航
乃有燕雀數萬擊之因為有司所縛乃獲二寶器
帝聞而驚異詔以賜太孫封墳之際復有燕雀數
萬銜土以增其上墳側今有湖後人因名燕雀湖
楊修之有詩云平湖岸側見高墳萬土銜來燕雀
羣鑑面無波天一色此中文藻似儲君在城東四
里下入青溪

生人葭

南史梁阮孝緒字士宗母王氏有疾合藥須得生
人葭舊傳鍾山所出孝緒躬歷幽險累日不逢忽

一鹿前行隨後至一所遂滅就視其處果獲此草
今山中不復有之

木醴

建康實錄陳後主禎明二年初覆舟山及松柏林
冬月出木醴後主以為甘露之瑞俗呼為雀錫舊
立甘露亭今廢

牝狙觸網

按湘山野錄云南唐李後主獵青龍山一牝狙觸
網見主兩淚稽顙屈指其腹主戒虞人保守之是
少誕二子還幸大理寺親錄囚繫一大辟婦以孕
在獄未幾誕二子煜感牝狙之事罪止於流其山
去城二十五里

寶章閣藏版

感龍產鯉

昔民有女感黑龍於田野歸而有娠後產鯉魚投
於水中復能變化隨母所出入後成龍而去母亡
每春時必來墳所鄉人懼之因立廟祠焉謂之烏
鯉廟在溧水縣東南二十五里

六朝事迹編類卷之九終

光祿寺署正上元李濱古漁重校刊

六朝事迹編類卷之十

左奉議郎充江南東路安撫司幹辦軍張敦願養正撰

神仙門

白都山

昔白仲都常於此學道白日上昇因以為名揚修之有詩云駕鶴驂鸞自古聞策名仙籍是真君天邊舊迹無尋處滿目青山空白雲在城西南八十里西臨大江

茅君山

茅濛字初成華陽人也隱華山修道秦始皇三十年白日上昇是時先有民謠曰神仙得者茅初成駕龍上昇入太清時下立洲戲赤城繼世而往

在我盈始皇聞之問故老曰此仙謠也於是有尋
仙之意蒙之立孫盈得道於金陵句曲山上昇為
東嶽上卿司命真君太元真人居赤城時來句曲
邦人改句曲為茅君山事見圖經云漢時有三茅
君各乘一白鶴來居其上故號為三茅君世傳茅
盈茅固茅震皆蒙之後也山在句容縣東南四十
五里華山華陽皆在句容縣荆公有詩云一峯高出眾山巔
疑隔塵沙道里千俯視烟雲來不極仰攀蘿葛去
無前人間已換嘉平帝地下誰通句曲天陳迹是
非分草莽紛紛流俗尚師仙

仙杏山

舊經云絕頂有杏林及仙人腳跡因以名之又有

仙壇石井故一名仙壇石山唐垂拱五年重修壇
三所并石井聖曆二年縣令岑仲琬石為像設香
燈供祀之下有清泉流入丹陽湖在溧水縣東南
四十三里

石城洞

石頭城西嶺下南臨大江有洞宛然按真誥云此
小有洞天之南門也

華陽洞

舊經云即第八金壇大洞天也唐改為太平觀在
句容縣東南四十里茅山之側

仙人臺

幕府山之西有石棋盤說者云舊有仙人對奕於

此故徐君平幕府山詩云仙去棋枰草自繁即此地也去城北二十五里

靜壇

舊經云梁侍中周捨立與道士塢相對武帝問曰其壇如何對曰風不鳴條雲無膚寸鹿巾黃帔其數甚多白簡朱衣其來罕至因名曰靜壇今按道士塢在蔣山古明慶寺前與八功德水相近則靜壇當在其處

春澗

鍾山宋興寺東梁處士劉訐字彥度隱居之所揚修之有詩云手拖葛屨坐藜牀竹樹蕭然一水傍沈上白雲船下月卜鄰東澗勝東岡

寶章閣藏版

六朝事迹編類卷之六

左奉議郎充江南東路安撫司幹辦八事張敦頤養正撰

山岡門

石碗山

碗牛委切

輿地志云秦始皇時望氣者云江東有天子氣乃東遊以厭之又鑿金陵以斷其勢今方山石碗是其所斷之地也孫盛云東至方山有直瀆自瀆至此山或云是秦時所掘山今方山西九里有大壘枕淮合壘悉是石名石碗京師溝塘累石悉鑿此壘取之在城東南四十五里

天闕山

晉元帝即位起宮殿城闕郭璞云闕不便王導乃

六朝事迹編類卷之六

指牛頭山爲天闕楊修之有詩云牛頭天際碧凝嵐王導無稽示妄談若指遠山爲上闕長安應合指終南

鳳臺山

宋元嘉中鳳凰集於是山乃築臺於山椒以旌嘉瑞在府城西南二里今保寧寺是也唐李白詩曰置酒延落景金陵鳳凰臺長波瀉萬古心與雲俱開昔時有鳳凰鳳凰爲誰來鳳凰去已久正當今日回明君越羲軒天老坐三台豪士無所用彈琴醉金壘東風吹山花安可不盡杯六帝沒幽草深宮冥綠苔置酒勿復道歌鐘但相催又詩曰鳳凰臺上鳳凰遊鳳去臺空江自流吳時花草埋幽徑

真武觀故也晉北郊壇宋藥園壘樂遊苑冰井甘露亭皆在此山

幕府山

寰宇記云在城西北二十里周回三十里高七十里東北臨直瀆浦西接寶林山南接蟹浦輿地志云臨沂縣東八里有幕府山寰宇記云晉元帝自廣陵渡江建康城荒落以府第居縣北山下因以幕府山爲名圖經云丞相王導建幕府於此山因名之山上有虎跑蒲包切泉其西巔有仙人臺宋明帝高寧陵在山西王導温嶠亦葬山西又按寰宇記云陳武帝破北齊軍四十六萬於幕府山下至後主禎明中嘗幸此山校獵虞世南獻賦以美

之楊修之有詩云六代繁華一瞬間平蕪遠樹不
勝閒倚樓天暝雲如幕知是琅琊幕府山

雞籠山

寰宇記云在城西北九里西接落星澗北臨棲立
塘輿地志云雞籠山在覆舟山之西二百餘步其
狀如雞籠因以為名按宋文帝元嘉十五年立儒
館於北郊命雷次宗居之次宗因開館於雞籠山
齊高帝嘗就次宗受禮及左氏春秋又竟陵王子
良嘗移居雞籠山下集四學士鈔五經百家為四
部要略千卷又按宋文帝元嘉中改為龍山以黑
龍嘗見真武湖此山正臨湖上因以為名令去縣
六里晉元帝明帝成帝哀帝四陵皆在山南中有

晉代衣冠成古丘三山半落青天外二水中分白
鷺洲總為浮雲能蔽日長安不見使人愁南唐宋
齊丘有詩云嵯峨歷洪泉岌岌撐碧落宜哉秦始
皇不驅亦不鑿上有布政臺八顧皆城郭山感龍
虎健水黑螭蜃作白虹欲吞人赤驥相搏掣畫棟
泥金碧石路盤繞确倒挂哭月猿危立思天鶴鑿
池養蛟龍栽桐棲鸞鷲梁間燕教雛石罅蛇縣設
養花如養賢去草如去惡日晚嚴城鼓風來蕭寺
鐸掃地驅塵埃翦蒿除鳥雀金桃帶葉摘綠李和
衣嚼貞竹無盛衰媚柳先搖落塵飛景陽井草合
臨春閣芙蓉如佳人回首似調謔當軒有直道無
人肯駐腳夜半鼠勃窣天陰鬼敲椽松孤不易立

石醜難安著自憐啄木鳥去盡終不錯晚風吹梧
桐樹頭鳴曝曝我我江令石青苔何淡薄不話興
亾事舉首思眇邈吁哉未到此褊劣同尺蠖籠鶴
羨鳧毛猛虎愛蝸角一日賢太守與我觀橐籥往
往獨自語天帝相唯諾風雲偶不來寰宇銷一略
我欲烹長鯨四海為鼎鑊我欲取大鵬天地為繒
繳音勺安得生羽翰雄飛上寥廓其詩刻今在
保寧寺

覆舟山

寰宇記云在城北五里周回三里高三十一丈東
接青溪北臨真武湖狀如覆舟因以為名輿地志
云宋元嘉中改名真武山以其臨真武湖山復有

寶章閣藏版

道士塢

蔣山明慶寺前乃陳宣帝禮元靖先生臧兢處今
在寶公塔之東

華陽宮

舊經云張真人煉丹之所也梁朝陶隱居立為華
陽上館唐天寶七年改今額

鷲洞宮

舊經云梁普通三年晉陵縣女子錢妙真幼年於
此修行誦黃庭經積功三十年道成佩白練飛入
洞中有石室醮壇存焉天寶七年奉敕於錢真人
昇仙之所建宮度女道士洞在宮東一百餘步
洞元觀

輿地志云赤烏二年吳大帝為仙公葛玄造玄後
白日上昇山上至今猶有壇宇楊修之有詩云葛
玄功行滿三千白日驂鸞上碧天留得舊時壇宇
在後人方信有神仙觀在方山下去城四十五里

青元觀

舊經云本吳朝葛仙公宅也梁天監七年建有一
丹井在祠宇前去句容縣西南三百餘步

玉晨觀

句容縣東南四十五里句曲洞北門之側舊經云
本晉許長史宅也昔高辛時展上公秦時巴陵侯
後漢時杜廣平竝於此學道得仙梁武帝天監十
三年陶弘景奏請立為朱陽館唐正觀中為紫微

寶章閣藏版

國師王先生改為華陽宮天寶七年為玄靖先生
改紫陽觀前有郭真人養龍池醮壇丹井俱在大
中祥符中奉勅改今額曰玉晨觀

太平觀

梁書云陶弘景讀書萬餘卷善琴棋為諸王侍讀
永明十年脫朝服挂神武門上表辭祿詔許之於
是止於句容之句曲山曰此是第八洞宮名金壇
華陽之天乃立館自號華陽陶隱居唐正觀九年
為昇真先生改為太平觀

尋仙觀

梁時所造也與芝山鷲洞相鄰上有石壇舊經云
昔茅君行道之所唐垂拱五年道士宋文幹因石

琢像董工修壇焉在溧水縣東南六十里

太虛觀

舊經云東晉時李盤白遇仙於此修道白日上昇
山頂有會仙亭唐開元五年建大中祥符元年九
月奉勅改今額在溧陽西南四十里盤白山下初
名招仙觀

六朝事迹編類卷之十終

光祿寺署正上元李濱古漁重校刊

六朝事迹編類卷之十一

左奉議郎充江南東路安撫司幹辦公事張敦頤養正撰

寺院門

吳建初寺

輿地志云吳赤烏十年沙門僧會自西竺來傳佛
法吳大帝作寺居之寺自此始揚修之有詩云僧
會西來始布金常聞鐘磬伴潮音江南古寺知多
少此寺獨應年最深舊傳在城南二百餘步

鐵索寺

本東晉尼寺也尚書仲杲女見釋書有比丘尼問
講師師曰女子削髮出家為比丘尼後因鐵索羅
國尼至遂就此建寺以鐵索羅為名中國尼自此

始

祈澤寺

寺記云宋少帝景平元年建去府城二十里梁朝置龍堂有初法師者來結茅菴於山下日夜誦法華經有一女郎來聽移時方去師訝之因問其住止女曰兒東海龍女遊江淮間聞師誦經來聽之師曰此山乏水汝能神變為我開一泉可乎女曰此固易事容兒歸白父言訖不見數日後忽作風雷良久有清泉涌於座中南唐保大中以久旱祈雨於舊寺基信宿而雨作自後以為祈禱之所本朝治平中改賜祈澤治平寺許堅嘗有二詩其後王荆公題云高人遺跡空佳句誰識旌陽後世孫

寶章閣藏板

棲霞禪寺

攝山齊明僧紹故宅也按棲霞寺江總碑云齊居士平原明僧紹宋泰始中遊此山乃刊木結茅二十許年有法度禪師與僧紹遂捨宅成此寺蓋齊永明七年正月三日也唐高宗嘗建寺碑并書寺額武宗會昌中廢宣宗大中五年重建本朝太平興國五年改為普雲寺景德五年改賜景德棲霞禪寺寺有舍利塔乃隋文帝葬舍利處南唐高越林仁肇建塔徐鉉書額曰妙因寺左有千佛嶺乃明僧紹子仲璋創造齊文惠太子同僧塚梁臨川靖惠王采飾寺後有天開巖碧蘚亭白雲菴迎賢石醒石中峯澗石房白雲泉亦名品外泉寺前有

明僧紹高越墓菩提王廟菩提王即攝山斬神也
廟舊居山前今移置寺右仁廟朝嘗賜金寶方牌
熙寧間取寄華藏寺中石佛額有玻璃珠後墜地
因置閣盛之大觀中爲權要取去米芾嘗作詩紀
其事寺今有唐高宗陳尚書令江總碑沈傳師齋
疏及沈傳師徐鉉題名按陳軒金陵集劉長卿顧
况李紳皮日休韓熙載徐鉉徐鉉柳琰權德輿皆
有詩德輿詩其略云縈紆松路深繚繞雲山曲重
樓回木杪古像鑿巖腹皆山中景也今去城四十
五里

寶乘院 亦名草堂寺

齊草堂寺也寺乃齊周顒隱居之所顒後出仕孔

寶章閣藏版

稚圭作北山移文以譏之高僧傳云時有釋慧約
姓婁少達妙理顒素所欽服乃於鍾山舊館造草
堂寺以居之今寺左乃婁約置臺講經之地寺
後即顒舊居也王荆公草堂寺詩云周顒宅作阿
蘭若婁約身歸窳堵坡唐會昌中寺廢本朝復建
治平間賜今額隸鍾山鄉去城十一里

長干寺 今名天禧寺

丹陽記大長干寺道西有張子布宅在淮水南對
瓦棺寺南張侯橋也長干是秣陵東里巷名江東
謂山隴之間曰干建康南五里五里有山岡其間
平地庶民雜居有大長干小長干東長干並是地
名小長干在瓦棺寺南巷西頭出大江梁初起長

千寺按塔記在秣陵縣東今天禧寺乃大長干也
昔有并州胡薩訶死經七日更生云見觀音教荆
曰洛下丹陽會稽有阿育王塔可悉禮拜之公有詩云梵館清閒側布金小塘回曲翠文深柳
條不似千絲直荷葉相依萬蓋陰淡淡岑雲相上
下翩翩沙鳥自浮沈羈人樂此忘歸意忍向西風
學舊吟

蔣山太平興國禪寺

梁武帝天監十三年以錢二十萬易定林寺前岡
獨龍阜以葬誌公永定公主以湯沐之資造浮圖
五級於其上十四年即塔前建開善寺今寺即其
地也唐乾符中改爲寶公院南唐昇元中徐德裕
重修開寶三年後主改爲開寶道場太平興國五

年改賜今額慶歷二年府尹葉龍圖清臣奏請爲
十方禪院據高僧傳及寶公實錄公諱寶誌宋元
嘉中現形於東陽郡古木雁巢中朱氏婦聞巢中
兒啼遂收育之因以朱爲姓乃施宅爲寺焉公自
少出家依於鍾山道林寺常持一錫杖杖懸刀尺
及鏡拂之類由是知名齊梁間死而將葬梁武帝
命陸倕製銘葬已賜玻璃珠以飾塔表南唐保大
七年加號妙覺塔名應世本朝太平興國七年舒
民柯萼遇老僧往萬歲山指古松下掘之得石篆
乃寶公記聖祚縣遠之文於是遣使致謝謚曰寶
公妙覺治平初更謚道林真覺大師按建康實錄
開善寺有誌公履唐神龍初鄭克俊取之以歸長

安今洗鉢池尚在塔西二里法雲寺基方池是也
寺西有道光泉以僧道光穿劖竹足切得名有宋
熙泉以近宋熙寺基之側有八功德水在寺東悟
眞菴之後一云泉在寺北高峯絕頂寺東山巔有
定心石下臨峭壁寺西百餘步有白蓮菴菴前有
白蓮池乃策禪師退居之所寺後向東有塔曰婁
約即慧約婁禪師之塔高僧傳曰葬於獨龍山寶
公之左是也首有寶公及婁約塔碑梁王筠撰文
今不復存楊次公詩曰今古茫茫利祿間幾人能
此叩松關猿驚鶴怨不知處虎踞龍盤空見山芳
草路隨流水遠老僧心共白雲閒淮南舊隱拋離
久一誦移文一愧顏荆公詩已見鍾阜下

大愛敬寺

梁武帝普通元年造在蔣山之北高峯上唐朝乾
符中重修廣明元年改爲廣明愛敬禪院南唐改
廣孝禪院本朝開寶七年移額入城中今壽寧寺
是也李建勳愛敬寺詩其略云雲散經窗溼山晴
石路香

明慶寺

蔣山上明慶寺後別有小嶺碧石青林幽邃如畫
世人呼爲屏風嶺有高僧曇隱於此忽聞絲竹之
音俄而有清泉一派瑩澈甘滑有積年疾者服之
輒愈梁已前嘗取給御厨水俗呼爲八功德水楊
修之有詩云翠壁如屏旱不枯一泓甘滑飲醍醐

高僧到此聞絲竹還有金鱗對躍無

法光寺 今名鹿苑寺

即梁之蕭帝寺舊傳天監十三年造元絳寺記云不知從昔之名故後人以帝氏目之南唐保大間重建後主易名曰法光寺有子隱堂郗氏窟今隸祥鸞坊本朝敕改鹿苑寺

同泰寺

梁武帝改年號大同起同泰寺在臺城內窮竭帑藏造大佛閣七層為火所焚梁帝捨身施財以祈佛福自大通以後無年不幸同泰寺設四部無遮大會俄而侯景兵起城陷遂以虛器進膳自庚辰至丙戌七日不食而崩楊修之有詩云佛事莊嚴

寶章閣藏板

國力疲照天金碧倚攬危沈檀鑪上煙雲合恰似當年煨燼時

法寶寺 亦名臺城寺

梁同泰寺基之半也建康實錄梁武帝大通元年創同泰寺寺處宮後別開一門名大通門對寺之南門成吉語以協同泰為名也帝晨夕講議多遊此門偽吳順義二年置為臺城千福院本朝改賜今額寺前有醜石四各高丈餘俗呼為三品石政和間取歸京師其寺今在城北

寶林寺

舊經云本同行寺梁天監中武帝與寶公同遊此山見林巒殊勝命建精藍因以同行為額亦名聖

遊寺唐會昌中廢偽吳太和中復建後改爲秀峯院南唐保大九年重修本朝嘉祐中改賜今額有琪樹在法堂前梅摯詩其略云影借金田潤香隨璧月流遠疑元帝植近想誌公遊建炎間樹爲兵火所焚今寺屬寶林山

普濟寺

梁頭陀寺也建康實錄梁武帝大同元年置頭陀寺記舍人石興造寺在蔣山頂第一峯後移置山下本朝治平中改賜今額殿後有應潮井其水與江潮相應又有梁昭明太子讀書臺在其西即普通元年所置大愛敬寺基也

佛窟寺

寶章閣藏版

城南二十里牛頭山下有深坑言是辟支佛窟寺記云本沙門道慶禪房梁天監中司空徐度造寺因名曰佛窟寺楊修之有詩云曩事何人爲證明白雲深鎖翠微坑已聞過去辟支佛未見當來彌勒生

聖湯延祥寺

隸湯山下舊有湯泉十所今所存者六唐德宗時韓晉公滉爲浙西觀察使滉小女有惡疾浴於湯應時而愈乃以女妝奩建精舍於湯山之右且求僧以主寺事時得竹林寺一市蠱毒藥僧遠近賴之多獲全濟故其藥至今以溫湯爲名按唐書滉觀察浙江在貞元以前寺之建當在建中興元間

而圖經乃云咸通十二年韓公置精刹咸通蓋懿宗年號是時晉公已亡也

景德寺

偽吳始名崇孝寺本朝景德中改賜今額建炎元年以其地改充太廟今隸嘉瑞坊

清涼廣惠禪寺

偽吳順義中徐溫建爲興教寺南唐昇元初改石頭清涼禪寺後主復改清涼大道場本朝太平興國五年閏二月改爲今額舊傳嘗爲李氏避暑宮寺中有德慶堂今法堂前舊基是也後主嘗留宿寺中故其詩有未能歸去宿龍宮之句德慶堂額乃後王親書祭悟空禪師乃後主自爲文碑刻今

見在舊有李氏宮人親寫藏經及本朝所賜御書今皆不存唐溫庭筠清涼寺詩曰詩閣小窗藏雪嶺禪堂秋水接藍溪東坡先生捨彌陀畫像於寺中其詩曰問禪不契前三語施佛空留丈六身蓋謂此也楊次公題清涼寺翠微亭詩曰君勿愛清涼清涼如火如沸湯君勿惡炎熱炎熱如冰如積雪勿愛亦勿惡未是逍遙處君不見海會山前一條路一車來一車去今古轉轅何日住落花時節兩初晴黃鸞枝上分明語又因舟次秦淮寄清涼長老曰雲居衆衆舟次秦淮忽爾狂風動地白浪滔天致此片帆難以寸進又恐是石頭老子把定要津不肯放過今者食時已及香積未充更不敢

南唐昇元中建額曰齊安本朝政和五年正月改賜淨妙舊臨官路今移置高隴面秦淮王荆公齊安寺詩刻云日靜山如染風暄草欲薰梅殘數點雪麥漲一溪雲去城四里

能仁寺

南唐古寺基也保大年中昇州特進守司徒致仕鍾山公李建勳嘗捨莊田入寺後廢本朝撥賜地基起興慈禪院咸平初李建勳女潤州本起寺住持臨壇精律大德尼進暉巾明乞以故父李相公舊所施莊田入興慈寺至今猶供常住咸平後改承天寺崇寧間又改為能仁寺真宗皇帝賜昇州法主圓覺大師賜紫德明七言二韻詩一首精勤

寶章閣藏版

演律達真風釋子南禪道少同南中多長老禪僧奧旨全蹄悟佛理慧燈廣布九圍中真蹟今藏本寺

半山報寧禪寺

王荆公故宅也其地名白塘舊以地卑積水為患自荆公卜居乃鑿渠決水以通城河元豐七年公以病聞神廟遣國醫診視既愈乃請以宅為寺因賜額報寧禪寺寺後有謝安墩其西有土山曰培塿乃荆公決渠積土之地由城東門至蔣山此半道也故今亦名半山寺陳軒金陵集載荆公半山詩凡十五首寺中有寶禪師語錄序王旂撰米芾書

六朝事蹟編類卷之十一

六朝事迹編類卷之十一終
光祿寺署正上元李濱古漁重校刊

六朝事迹編類卷之十二

左奉議郎充江南東路安撫司幹辦人章張敦頤撰

廟宇門

蔣帝廟

帝即後漢秣陵尉蔣子文金陵圖經云漢末子文為秣陵尉逐盜鍾山傷額而死嘗自謂骨青死當為神及吳大帝遷都建業子文乘白馬執白羽扇見形於故吏云當白吳帝為立廟不爾百姓大疫權猶未信翼日復見於路云當令飛蟲入人耳後如其言帝乃立廟於鍾山封子文為蔣公權避祖諱因改鍾山曰蔣山晉蘇峻之難鍾山神同蔣侯為助且曰蘇峻為逆當共誅鋤之後果斬峻按杜



佐通典宋高帝永初二年普禁淫祀自蔣子文祠
以下皆絕孝建初修復加蔣侯爵位至相國大都
督中外諸軍事明帝初四方兵起求救於神遂封
爲蔣王齊永明中崔慧景之難迎神還臺以求福
助事平授以帝位又按南史梁武帝天監六年旱
甚詔祈蔣帝求雨十旬不降帝命載菽焚其廟當
神上俄有雲如繖倏忽驟雨如瀉臺中宮殿振動
帝懼馳詔追停少時乃靜自此帝益畏信是時魏
軍圍鍾離蔣帝神報勅必許扶助既而無雨水長
遂挫敵人凱旋之後廟中人馬脚盡泥溼當時目
覩焉齊既封以帝號於是以廟門爲靈光之門中
門爲興善之門外殿曰帝山內殿曰神居西閣有

佛殿名靈鷲東閣即子文所居也南唐追謚曰莊
武帝更修廟宇本朝開寶八年焚毀雍熙四年邑
人張革於舊基重建景祐二年知府陳待制執中
復增修之朝廷賜額曰惠烈政和八年本縣復加
修飾有南唐及景祐政和廟記可攷今隸蔣山之
北去城二十里

吳大帝廟

隸府城西門外今廟庭即當時舊宮唐大中初邑
人台州永寧簿周知業以家貲重修建炎間兵火
廢毀其地在石頭城清涼寺之西今去府七里楊
修之有詩云古木陰森廟巋然龍蟠虎踞舊山川
當時鼎足一場夢空裏旋風飛紙錢

晉元帝廟

舊在下將軍廟側今移在嘉瑞坊城隍廟之左

晉卞忠正廟

晉尚書令贈侍中驃騎將軍卞壺謚忠正蘇峻之亂與其二子力戰死之葬吳冶城今天慶觀乃其地也後七十餘年盜發其墓尸僵如生鬢髮蒼然爪甲穿手背安帝賜錢十萬封之入梁復毀武帝又加修治李氏有江南建忠正亭於其墓穿地得斷碑公名存焉徐鍇實為之識本朝慶曆中知府事龍圖閣直學士葉公清臣又封墓刻石表之改亭名曰忠孝取其母之言曰父為忠臣子為孝子也又五十年左丞葉公夢得來守是邦即為亭堂

寶章閣藏版

圖公像列之常祀春秋祠焉乃為之記

晉謝將軍廟

即晉謝玄也唐咸通九年置本朝開寶四年重修在府城西南三里

晉陰山廟

在縣南向西十二里舊經云建武中丞相王導於岡阜間隱約見數十步騎駐立於壘上導怪之使人致問俄失其所夜見夢於導曰我乃陰山神也昨隨帝渡江寓泊於晨見之所卿為我置祠當福晉祚導乃以其事聞上乃置廟於此仍名其岡為陰山揚修之有詩云鑪香煙斷暮雲凝陰德山高眾所稱開府琅琊舊蒙福龍飛一馬至中興

菩提王廟

神即楚大夫靳尚也今在攝山按神錄楚靳尚神居臨沂縣舊經云齊永明初有法度禪師講經於攝山嘗患山路磽确僧徒疲於往來神為平治之法度因為受菩提戒立祠於此故世號菩提王江總棲霞寺碑云梁大同元年二月神又見形著菩提巾披袈裟容止甚都來入禪堂請士眾說法廟舊在山前今移置棲霞寺門之右

楚靳尚廟

攝山記云楚靳尚以讒殺屈原為天所譴作一大窟在山後人為之立廟楊修之有詩云汨羅魚葬靈均競渡如飛不救人天意明知讒口毒果

買章閣藏版

這天譴作蛇身

梁祈澤夫人廟

梁置今隸祈澤寺之側舊經云有初法師者嘗講法華經於山中有女郎來聽初問之答曰兒東海龍王女也師告以山中乏水後數日忽聞風雨暴作向曉有泉出於座下後遂為水旱祈禱之所因號祈澤夫人本朝紹興元年旱禱有應本府狀其事於朝且言已有祈澤夫人之號因賜廟額曰嘉惠今去城二十三里

青溪夫人廟

按輿地志青溪岸側有神祠世謂青溪姑南朝甚有靈驗嘗見形於人祠今與上水閘相近說者云

隋平陳斬張麗華孔貴嬪於青溪柵下今祠像有三婦人乃青溪姑與二妃也

二判官廟

舊經云本延祚院土地神唐會昌中寺廢景福二年神託夢於里人曰我二判官也久為延祚寺伽藍今已遷次於寺外可為我置祠當福於爾既而夜見火光連天人即潛於光所窺見炬篲熒熒焉因就其地建廟祀之在府西門裏

茅君白鶴廟

茅山白鶴廟記云此廟即祠三茅君之所也霓旌屢降鶴駕時逢茅君分理於赤城王洞每年以十二月二日駕白鶴於此會諸真君故名焉在句容

縣東南三里

楚平王廟

吳越春秋云楚平王都於固城廟今在溧水縣南九十里昔周成王封熊繹子男之田於荆蠻之地至莊王賜姓為芊音教氏至靈王立與敵日尋干戈邊鄙不寧時吳軍失利乃陷瀨渚至平王用佞臣之言殺太傅伍奢并其子尚子胥奔吳吳用之破楚而入郢此廟即平王宮殿之舊址也唐廣明元年重修

荆將軍廟

舊經云荆軻廟也烈士傳曰昔左伯桃羊角哀往楚併糧於梁山左伯桃死而角哀達乃厚葬伯桃

於梁山下一夕角哀夢伯桃告曰幸感子葬我柩何與荆將軍墓相鄰每地下與吾戰為之困迫今年九月十五日將大戰至時望子借兵馬於冢上叫噪相助角哀覺而悲之如期而往曰今在冢上安知我友地下之勝負乃命開棺自刎而死報併糧之義也廟在溧水縣南四十五里

潘真君廟

舊經云昔潘氏兄弟三人於此山中得道化白鶴冲天而去後人思而立廟在溧陽縣東南六十里三鶴山下

興德王廟

偽吳天祚二年李先主昇夢中見其神因立廟祀

之今廢其地在鍾山蔣帝廟之北去城十三里

炳靈公廟

偽唐昇元中置按五代史後唐長興四年封東嶽三郎為威雄將軍本朝大中祥符元年奉勅封炳靈公廟在府城新橋之西

五龍堂

府城西門外古太一觀基也南唐保大八年改為舞雩祠十三年有玄光尊像乘一木自江中流汎及岸側而止道眾迎接入堂供事之徐鉉嘗作記述其事

張僕射廟

舊經云唐天祐中有清河張司徒者營建金陵百

姓懷而祠之今呼張僕射廟廟之北相去四里有南唐張懿公墓道或云僕射即懿公也名君詠字德之嘗爲特進太子太傅初不曾任司徒其說未詳今在府城西門外十里

茅司徒廟

按稽神錄云浙西僧德林少時遊舒州路見一夫荷鋤治方丈之地左右數十里不見居人問之對曰頃時自舒之桐城至此暴爲疴疾不能去因臥草中及稍醒已昏矣四望無人惟虎豹吼叫自分必死俄有一人部從如大將至此下馬良久召二卒曰善守此人明日送到桐城縣下遂上馬去倏忽不見惟二卒在焉某即強起問之答曰此茅將

軍也常夜出獵虎憂汝被傷故使護汝更欲問即日已出矣不復見二人即起而行意甚輕健至桐城頃之疾愈以所見處立祠祀之德林止舒州十年及回則村落皆立茅將軍廟今俗呼茅司徒在溧陽縣東門外一里

武烈帝廟

舊經云隋司徒陳杲仁有戰功唐封忠烈公南唐僞冊武烈帝本廟在江陰

六朝事迹編類卷之十二終
光祿寺署正上元李濱古漁重校刊

六朝事迹編類卷之十三

左奉議郎充江南東路安撫司幹辦公事張敦頤養正撰

墳陵門

吳大帝陵

吳志神鳳元年大帝崩葬蔣陵按樂史寰宇記在縣東北蔣山八里丹陽記云蔣陵因山為名輿地志曰九日臺當孫陵曲折之傍故名蔣陵亭蘇峻之亂王師敗績於西陵即此地也今蔣廟相對之西有曰孫陵岡是為蔣陵

吳步夫人陵

吳赤烏元年追拜夫人步氏為皇后後合葬蔣陵今蔣廟西南有孫陵岡上有步夫人墩墩之側有

夫人冢乃其地也

吳宣明太子墳

吳志孫權皇太子登謚宣明太子初葬句容後三年移葬鍾山西蔣陵

吳甘寧墓

伏滔記吳將甘寧墓在直瀆之下俗云墓有王氣孫皓惡之鑿其後為直瀆唐溫庭筠過吳主陵詩其略云虛開直瀆三十里青蓋何曾到洛陽蓋譏之也

吳葛仙翁墓

吳太極左仙翁葛方墓在句容縣西南一里郡國志云句曲有葛方冢

晉元帝陵

建康實錄晉元帝永昌元年春葬建平陵在雞籠山之陽不起墳

晉明帝陵

建康實錄明帝大寧三年葬武平陵在雞籠山之陽不起墳

晉成帝陵

建康實錄晉成帝咸康八年葬興平陵在雞籠山之陽與元帝同處不起墳

晉康帝陵

建康實錄晉康帝建元二年葬崇平陵隸鍾山之陽不起墳

晉穆帝陵

建康實錄晉穆帝昇平五年葬永平陵隸幕府山之陽起墳今幕府山前近西里俗相傳有穆天子墳即其地也

晉哀帝陵

建康實錄晉哀帝興寧三年葬安平陵隸雞籠山之陽不起墳

晉簡文帝陵

建康實錄晉簡文帝咸安二年葬高平陵在鍾山之陽不起墳

晉孝武帝陵

建康實錄晉孝武帝太元二十一年葬隆平陵在

寶章閣藏版

鍾山之陽不起墳

晉安帝陵

建康實錄晉安帝義熙十四年崩明年葬休平陵在鍾山之陽不起墳

晉恭帝陵

建康實錄晉恭帝元熙二年葬冲平陵在鍾山之陽與安帝同處不起墳

按東晉十一帝元明成哀四陵在雞籠山之陽

康簡文武安恭五陵在鍾山之陽竝不起墳今

不復可辨惟穆帝一陵在幕府山起墳

晉山簡墓

建康實錄晉永嘉六年征南將軍荊州刺史山簡

卒歸葬建康真武湖南覆舟山之陽輿地志云山簡墓在樂遊苑內

晉溫嶠夫人墓

建康實錄晉溫嶠初葬豫章朝廷追思之乃為造大墓遷葬元明陵北幕府山之陽按晉書嶠拜驃騎將軍開府儀同三司散騎常侍封始安郡公初葬豫章後朝廷追嶠勳德將為造大墓於元明二帝陵之北陶侃上表願停移葬詔從之其後嶠妻何氏卒子放之便載喪還詔葬建平陵北即是嶠妻何氏墓非嶠墓也

晉郭璞墓

真武湖中有大墩里俗相傳曰郭璞墓按晉王敦

加荊州牧敦將舉兵使璞筮璞曰無成敦怒收璞斬之當時或歸葬於此

晉竺使君墓

隸金陵鄉張陣湖墓前有二碑以晉書參攷之乃寧朔將軍竺瑤常為桓溫部將太和五年破袁瑾於武丘

宋武帝陵

建康實錄宋高祖永初三年葬初寧陵隸丹陽建康縣蔣山圖經云在縣東北二十里政和間有人於蔣廟側得一石柱題云初寧陵西北隅以此攷之其墳當去蔣廟不遠

宋文帝陵

建康實錄宋文帝元嘉三十年葬長寧陵圖經云隸縣東北二十五里與武帝陵相近今未詳所在

宋文帝袁后陵

南史宋元嘉十七年葬皇后袁氏於長寧陵長寧即文帝陵也

宋明宣沈太后陵

南史宋明宣沈太后為文帝美人生明帝元嘉三十年葬建康之幕府山今寶林寺西南有墳壟相傳為國婆墳疑即沈后所葬之地

宋明帝陵

建康實錄宋明帝泰豫元年葬高寧陵隸臨沂縣幕府山西與王導墳相近今山前有墳壟晉穆帝

寶軍閣藏版

陵在山南或以西為明帝之墳

大司徒甄邯墓此新墓附此

圖經云在縣北七里後湖之側按南史宋張永嘗開真武湖遇古冢冢上得一銅斗有柄文帝以訪朝士著作郎何承天曰此亡新威斗王莽三公亡皆賜之一在冢外一在冢內時三公居江左者惟甄邯為大司徒此必邯之墓及啟冢又得一斗復有一石銘云大司徒甄邯之墓今未詳所在

宋謝濤墓

按土山淨名寺新得古碑云宋散騎常侍謝濤元嘉十七年葬於揚州丹陽郡建康縣東鄉土山里宋謝濤夫人王氏墓

夫人琅琊王氏大明七年合祔於土山里謝濤之墓有古碑可攷夫人之祖曰獻之父曰靜之

冥漢君墓 古墓附此

宋書云元嘉七年彭城王義康修東府城城塹中得古冢爲之改葬使法曹參軍謝惠連爲祭文其略云東府掘城北塹八丈餘得古冢上無封域不用甄璧銘志不存世代不可得而知也公命城者改埋東岡祭之以豚酒既不知其名字遠近故假爲之號曰冥漢君云爾

齊明欽劉皇后陵

南史齊明欽劉皇后高帝爲明帝納之永明七年葬江乘縣張山今隸溧化鎮之北

齊巴東獻武公墓

在棲霞寺側有碑額云齊故侍中尚書令丞相巴東獻武公之墓

齊明僧紹墓

隸攝山棲霞寺前明隱居僧紹舊居攝山後葬此今去城四十五里

梁吳平忠侯墓

南史梁吳平忠侯蕭景字子照謚曰忠墓在花林之北有石麒麟二石柱一題云梁故侍中中撫將軍開府儀同三司吳平忠侯蕭公之神道今去城三十五里

梁始興王墓

南史梁始興王蕭憺謚曰忠武墓在清風鄉黃城村有石麒麟四及神道碑云梁故侍中司徒驃騎將軍始興忠武王之碑今去城三十七里

梁安成王墓

南史梁安成王蕭秀字彥達謚曰康墓在甘家巷有石麒麟一石柱一及神道碑二題云梁故散騎常侍司空安成康王之神道南史稱佐吏夏侯亶等表立碑誌王僧孺陸倕劉孝綽裴子野各製其文欲擇而用之咸稱實錄遂四碑並建今所存者二其一已磨滅其一字畫猶可讀乃彭城劉孝綽文也去城三十八里

梁臨川王墓

寶章閣藏版

南史梁臨川王蕭宏字宣達謚曰靖惠墓在北城鄉有石柱一碑一題云梁故假黃鉞侍中大將軍揚州牧臨川靖惠王之神道去城三十里

梁建安侯墓

南史梁建安侯蕭正立謚曰敏墓在信化鎮西宋野石柱塘有石柱二題云梁故侍中左衛將軍建安敏侯之神道去城三十五里

陳高祖陵

建康實錄陳高祖永定三年葬高安陵隸縣東南古彭城驛側今縣東崇禮鄉地名陵里有曰天子林其地有石麒麟二里俗相傳即陳高祖墓也去城二十五里

陳文帝陵

建康實錄陳文帝天康元年葬永寧陵隸縣東北陵山之南今鴈門山之北

左伯桃墓

烈士傳曰左伯桃羊角哀燕人也二人為友同時遊學聞楚王待士乃同人楚至梁山值雨雪糧少伯桃乃併糧於角哀令往事楚自入於空樹中餓死角哀至楚為上大夫乃告楚王備禮葬左伯桃於此唐大厯六年魯公顏真卿經此以詩弔之書於蒲塘在溧水縣南四十三里

雙女墓

雙女墳記曰有雞林人崔致遠者唐乾符中補溧

寶章閣藏版

水尉嘗憩於招賢館前岡有冢號曰雙女墳詢其事迹莫有知者因為詩以弔之是夜感二女至稱謝曰兒本宣城郡開化縣馬陽鄉張氏二女少親筆硯長負才情不意父母匹於鹽商小豎以不慎恚而終天寶六年同葬於此冥語至曉而別在溧水縣南一百一十里

南唐張懿公墓

公名君詠字德之有神道碑題云大唐順天翊運功臣特進守太子太傅上柱國清河郡開國公張懿公神道去府城十里在石頭城後

南唐李順公墓

公名金全字德鏐有神道碑題云唐故開府儀同

三司檢校太尉兼侍中贈中書令李順公神道在
城西金陵鄉七里鋪

南唐高越墓

攝山棲霞寺舊門外北山之麓有石題云侍郎高
府君墓去縣四十五里

六朝事迹編類卷之十三終

光祿寺署正上元李濱古漁重校刊

六朝事迹編類卷之十四

左奉議郎充江南東路撫司幹辦八事張敦頤養正撰

碑刻門

吳孫皓封禪碑在常州宜興縣封禪山磨崖而刻
今尚存

吳天璽元年紀功三段石碑皇象書

晉侍中右光祿大夫西平靖侯顏公太宗碑公名
含字弘都今在府學顏真卿書

晉右光祿大夫西平靖侯顏府君碑真卿書今在
府學

晉建威將軍忠平縣侯竺使君銘在金陵鄉張陣
湖

晉建威將軍思平縣侯竺使君頌在張陣湖碑石
損斷

宋謝壽夫人王氏墓誌在土山淨名寺後菜園中
今移在上元縣

齊侍中尚書令巴東獻武公碑在黃城村梁普通
三年造

梁侍中司徒驃騎將軍始興忠武王碑徐勉造貝
義淵書在清風鄉黃城村

梁散騎常侍司空安成康王碑劉孝綽撰貝義淵
書在清風鄉甘家巷

梁永陽昭王墓誌銘徐勉造在清風鄉居民井側
今在上元縣

寶章閣藏版

梁永陽敬太妃墓誌銘徐勉造在清風鄉路傍

梁臨川靖惠王神道石柱在北城鄉

梁侍中吳平忠侯蕭公神道石柱在清風鄉花林
村

梁建安敏侯神道石柱在鳳城鄉淳化鎮西

梁上清真人許長史舊館壇碑丹陽陶弘景撰并
書天監十三年立碑陰刻華陽頌普通三年五月

五日立唐紫陽觀主劉行矩等重勒在句容玉晨
觀

陳江總棲霞寺碑在攝山

陳宮井欄題刻在法寶寺之西邦人云字漫滅惟
戒哉二字可辨今不知其所

平陳碑隋薛道衡撰文虞世南書在石頭城西
大唐高宗明徵君碑在攝山棲霞寺高宗撰高正

臣書

大唐棲霞寺齊會記大和五年立

大唐棲霞寺律大師碑大曆四年立

大唐重建開善寺記在蔣山寺

大唐玉清觀四等碑開元十五年立陶巨莊書碑

石損斷今置崇禮鄉玉清觀墓上

大唐沈傳師齋疏在棲霞寺沈傳師題名在千佛

嶺

大唐王法主碑鳳閣侍郎同鳳閣鸞臺三品弘文

館學士劉禕之文唐文明元年立在茅山崇玄觀

寶章閣藏版

大唐玄靖先生李含光碑湖州刺史魯郡公顏真

卿文并書在玉晨觀

大唐遙傷茅山孫尊師詩碑唐司空兼門下侍郎

平章事李德裕述前知鹽鐵轉運使上柱國裴質

方書在玉晨觀

大唐三洞景昭大法師韋君碑檢校國子司業吳

縣開國男陸長原文檢校尚書兵部郎中兼侍御

史竇泉書并篆額唐貞元三年立在玉晨觀

大唐下泊宮記觀察判官監察御史裏行王師簡

文弘文館校書郎段令緯篆額在玉晨觀

大唐祠宇宮白鶴廟記大曆十三年三月立尚書

水部員外郎河東柳識文華陽崖舍退士中山劉

鳴素書在鴻禧院

大唐正義女碑李白文在溧陽縣頴陽江北

偽吳興化院銅鐘鑄文徐溫鑄在丹陽鄉香林寺

偽吳釘石鑄文順義元年鑄在靖安鎮

南唐方山寶華宮碑在方山崇真觀

南唐洞元觀請鐘記在崇真觀

南唐寶華宮功德什物記在崇真觀

南唐李順公神道碑高越書在石頭城北

南唐張懿公神道碑朱銑書在石頭城後

南唐蔣莊武帝廟碑徐鉉撰朱銑書圖經云已亡

今碑石在蔣廟門外此圖經之誤也

南唐紫陽觀碑太子右諭德徐鉉文尚書虞部郎

寶華閣藏版

中楊元鼎書并篆額在茅山玉晨觀

南唐許真人并銘徐鉉文并書在玉晨觀

南唐徐鉉題名在棲霞寺千佛嶺

南唐齊丘鳳臺山詩刻在保寧寺

南唐夫人易氏墓誌額在土山淨名寺

南唐李後主祭悟空禪師文并親書德慶堂二字

在清涼寺

南唐開善寺并記在蔣山寺

南唐義井欄刻字在石頭城後七里鋪

南唐僧用虛題棲霞寺詩在本寺千佛嶺

景德棲霞寺殿記在本寺高陟譔

景祐重造蔣廟碑陵陽景譔今置蔣廟庭下

惠烈廟記在蔣廟曹熙立

蔣廟篆祭文蔣堂文邵必篆今在廟中

道光泉記王安國撰在蔣山寺

八功德水記梅摯撰在蔣山悟真菴後

蔣山太平興國寺莊田記僧贊元立

蕭帝寺記元絳撰在法光寺今名鹿苑寺

子隱堂記梅摯撰在法光寺

白雲菴記王安國撰在棲霞寺

寶禪師語錄序米芾書在惟政鄉半山寺

溧陽長潘元卓校官碑今在溧水縣漢碑附此

六朝事迹編類卷之十四終

寶章閣藏版

建康府學開鏤司書黃永弼校勘

紹興三十年十月

日

右通功郎權江南東路安撫司準備差遣程禧

右通直郎知建康府上元縣管勸農公事兼兵馬監押滕瑾

右宣教郎知建康府江寧縣管勸農公事兼兵馬監押陳希年

左奉議郎充江南東路安撫司幹辦公事張敦頤

右承議郎充江南東路安撫司主管機宜文字趙一鶚

左朝請郎添差充江南東路安撫司參議官傅祿卿

右朝奉郎通判建康軍府兼管內勸農事提舉圩田李衡老

右朝奉大夫通判建康軍府兼管勸農事提舉圩田蘇師德
右朝散大夫學士部郎中總領軍糧所兼管御營馬步軍都總管兼行
敷閣學士右大夫知建康軍府江南東路安撫使馬步軍都總管兼行
宮學員事東魯郡開國侯食邑三千戶食實封參伯戶 韓仲通

光祿寺署正上元李濱古漁重校刊

重刊六朝事迹編類敘

六朝事迹編類十四卷宋紹興中江東安撫
幹官張敦頤撰建康留守韓仲通爲敘刊於
建康府學宋史藝文志載之卷數同宋陳振
孫直齋書錄解題作二卷 四庫總目提要
亦作二卷而十四卷本自韓槧以後不易得
也明吳琯古今逸史本併爲上下二卷不完
其舊且多譌舛丙戌寓姑蘇得識府訓導包
先生子丹藏書頗富請觀其目乃有是書之
十四卷本者末葉題建康府學開鏤及紹興

年月衆官結銜皆他本所闕適寶章閣主人
意眷眷刊古書因假是本主人出貲余爲之
校讐監刊并敘之曰金陵藝文倚與盛矣兩
漢吳晉大學郡學齊梁南唐士林胄監儲藏
遠古渺莫追攷惟建康府學以下志次部目
而陽厄陰災消滅亦盡迺今張書垂泯後人
繼絕亦云幸矣其書爲六朝別史算計門類
十有四部綜萃故實二百餘年體例整潔隳
括宏富上承建康實錄下起景定志書金陵
古本著稱博雅然而舊郡典章須以刊者爰

此推索犛牛萬毛即今經營陳倉一粟苟僅
錫主人之功亦將可矣惟創自坐賈販權貴
賤孤寒士類皆弱莫辨學者或惜之也是故
古人論國子監以木刊書敘之可而鬻之不
可所以輔左政治使人不迷于習陸儼山所
謂勝國時郡縣以學糧之餘爲鏤版之貲足
以備一方之居稽甚至合數郡而成帙校勘
窠而不圖鬻也雖然國可爲之官可爲之而
商賈曷可爲也余與主人素善不以諱爲膿
而故稱其肥至有罪于益州然而成是書也

錄寫者爲金氏茂才劖劂者爲謝氏文翰計
畫行次斟酌寸尺增益矩度仿摹宋槧較古
得竊其象兩美而成其物亦可觀矣至于校
讐之役自古曰難譬諸地中擇葉再華不盡
板上走丸溜目而遺以余粗鄙之材淺陋之
學于斯職焉竊慎未盡讀者糾之迺所厚冀
上元李濱撰

高陽許嵩作建康實錄文多汗漫參攷者疲
於省閱新安張養正夏舊史而爲六朝事迹
編類部居粲然俾江左三百餘年之故實名
布方策非博雅好古未易成此書也余叨守
建康養正適以議郎居幕府因取其書刊於
此邦養正名敦願屢專侯類以文章道養爲
學者之所矜式此特餘事爾紹興庚辰立冬
日東魯韓仲通書

